

PAOT TE HÛM YÛG KUXA MÂM KA'OK XOP PU KAX'ÂMI'

1 ¹Ûgmün yâ Paot, Yeyox Kunnix tu hâpxopmâhâ, ha Topa tek yâykutnâhâ, tuk xânâhâ, nÿy mÛgkutnâ, 'âte hâml'apak max'ax 'âktux, hu xa kax'âmi nÿhÿ tappet.

²Hômâ, hâmyâxatamuk xohix 'ihâ Topa te mÛnâyxop hittap pu hâml'âktux xex, ha Topa yÛg pupi hâml'âktux xop hittap te' xuktux, tu tappet tu kax'âmi, hu: “Topa te tik xop mÛ' pok putup, pu xa hâml'âpak max'ax 'âktux,” kaxÿy. ³Yÿy Topa tappet te Topak-tok 'âktux, tu yÿmÿg xuxyâ Yeyox Kunnix 'âktux, hak mÿ yÛg tikmÿ'ÿn kutok pit, yâ mÛnâyxop hittap Namix mÛkputox Yeyox. ⁴Tu' max xe'ëgnâg, Topa putuk tu', yâ Topak-tok xe'e, tu' xok xe'e, yÿy Topa te hâpxopmâ ka'ok xe'ëgnâg, tu' hÿnnâhâ putpu!, pu' xohix yÿmmÿg, yâ Yeyox mÿn Topa hâk-tok. ⁵Yâ Topa tek yâykutnâhâ, nÿy nÿgkutnâ!, tu 'â yây 'âxet'ax hÛm 'ÿ puknÛg xop xohix kuxa mâmmâ kamah, pu tu' yÿpkox pi hâml'âpak max'ax pu!, ⁶ha 'âxop kuxa mâm ka'ok kamah, kÛmën HÛm tu 'âpip, ha Topa te 'âxânâhâ, xa Yeyox Kunnix hâ 'âxape!.

⁷Kaxÿy 'âte kax'âmi tappet, tu kÛmën HÛm yÛg kuxa mâm ka'ok xop pu ka'âmi, yâ Topa te mÛ 'âxop yây xe'ëgnâg, tu 'âxop xânâhâ, xayÿy yâyhâ' yÛg tikmÿ'ÿn.

Pÿyâ Topa yÿmÿg Tak xik-tok Yeyox Kunnix xa hâmmxnâ!, xix 'âkuxa mâmmâ!.

Paot te Topa pu hâml'âktux, tu' max 'âktux

⁸'Âte Topa pu hâml'âktux pax hâmâxap, hu: 'Âmax, Topah! kaxÿy. Tu Yeyox Kunnix hâ' xuktux, tu xa hâk hittup kamah. Yâ hâm xexka xohix yÛg tikmÿ'ÿn xa hâml'âktux max, 'âkuxa mâm ka'ok hah. ⁹Topa tu 'âte hâpxopmâhâ, nÿy mÿy mâynâg, tu hâml'âpak max'ax 'âktux, tu Topak-tok 'âktux, ha' yÿmmÿg Topa te!, tu 'âte hâpxe'e 'âktux yÿmmÿg. 'Ap 'âte koit'ah, yâ 'âxaxok 'ohnâg. ¹⁰Tu Topa tu' xak pax, puyÿy ka'ogâ!, tu' xak kamah, pu tu mÛgkutnâ 'âhah, yâ Topa te mÛ yÿmÿg yây xe'ëgnâg. ¹¹'Âhak mÛg putup pax. 'Âte' xak, 'ÿyÿy 'âhak mÛg, nÿy xa hâmmxnâ!, nÿy 'âka'ogâ! ¹²pu yÿmÿg xohix mÛ' yây nÿynâm: 'Âxop te mÛgnÿynâm, xik mÿn te mÛ'ânÿynâm, hu Topa yÛg putat hâ yÿmÿg mÛg kumak mÛg.

¹³Ũkxape xop, 'äte xa hãm'äktux xe'e!: 'Ũgmög putup 'ähah, yã 'ämnÿ xohix hãk mög putup, pak mög 'ohnäg. 'Ähak mög, 'okpa 'äte' xak, nÿy kama 'ãmögã'. Hômã 'äte' puknög xop mögãhã', nôm xop te Yoneo yög tikmũn'ũn hã' puknög, Topa yög putat hã' mögãhã', yã kaxÿ 'äte' xak, nÿy 'ãmögã kamah. ¹⁴Topa te mögkutnãhã, 'äte hãm'äpak max'ax 'äktux, huk yÿy hok'ah. Yã hãm'äktux putup Yoneo yög tikmũn'ũn pu', xix puknög xop xohix pu'. 'Äte ta nemën, nÿy hãm'äpak max'ax 'äktux 'ũxohix pu'. 'Ap tayũmak ta nemën'ah. Yã' nøy, yÿy hãmÿũmmüg xop pu 'äte hãm'äktux, xix hãmÿũmmüg 'ohnäg xop pu 'äte hãm'äktux kamah, tu hãm'äpak max'ax 'äktux putup 'ũxohix pu', ¹⁵xix 'ãxop pu' xuktux'ax kamah, ha kômën xexka Hôm tu 'äpÿp, yÿk mög putup 'ögnũ kômën Hôm tu', nÿy xa hãm'äktux hãm'äpak max.

Hãm'äpak max'ax mũn ka'ok

¹⁶Topa tek xat 'äte hãm'äpak max 'äktux, pu tikmũn'ũn kuxa mãm ka'ok Yeyox Kunnix kopah, pu tu' kuxa kummuk xit, nÿy kuxa max tat 'ũyãnãn tu'. Yã hãm'äpak'ax ka'ok, ha 'äte yãyhãhup 'ohnäg, nÿy hãm'äpak max'ax 'äktux. Ha Yoneo xop te hãm'äpak hãmãxap, yã hãm'äpak'ax ka'ok, tu Yoneo yög tikmũn'ũn kuxa kummuk xit, xix yã' puknög xop kuxa xit kamah, nÿy kuxa max tat 'ũyãnãn tu', yã' nøy putuk. ¹⁷Topa tep-tup, pu tikmũn'ũn kuxa mãm ka'ok Yeyox Kunnix kopah. Puxi', ha nôm tikmũn'ũn mö'yãy xe'ëgnäg. Yã hãm'äpak max xe'e! Hãmã tik te Topa pupi hãm'äktux, tu tappet tu kax'ãmi', nÿy tikmũn'ũn pu' xuktux, hu: "Tikmũn'ũn kuxa yũm ka'ok Topa kopah, puxix Topa' kuxa kummuk tupmã', pu tu max, puyÿy tikmũn'ũn hi xe'ëgnäg," kaxÿy.

Yã' hep xop xohix te hãpxopmã kummuk

¹⁸Topa gãy tikmũn'ũn kuxa kummuk hah, yũmũ'äte' yũmmüg, yã Topa tep-tup hok, pu tikmũn'ũn hãpxopmã kummuk hok. Yã tikmũn'ũn te hãpxopmã kummuk pax, tu Topa hã' puknög, puxi' nøy Topa yũmmüg hok kamah. ¹⁹Ha Topa gãy, tu' yãnãn tu' kummugãhã, tu' xũygãhã', tu nôm tikmũn'ũn pu hãmÿũmmügã tap, 'ũkuxa kopa' yũmmügãhã', puyÿy tikmũn'ũn Topa yũmmüg max, ²⁰'ihã' pãnã hok, ha hãmñögnøy mÿy, xix hahãm, ha tikmũn'ũn xop xohix te hãmñögnøy pãnãhã', xix hahãm, tu Topa te' mÿy yũmmüg, hu Topa xexka xe'ëgnäg yũmmüg, xix Topa ka'ok xe'ëgnäg yũmmüg, xix Topa xok hok yũmmüg. Tep te xÿy tikmũn'ũn te Topa yũmmüg hok? Yã Topa hi xe'ëgnäg. ²¹Yã hãmÿũmmüg, päyã tikmũn'ũn te Topa xaxok, tu nôm pu hãm'äktux 'ohnäg, hu: "Äxexka Topah, xix 'ãmax, xatek mũ'ã hãpxop xohix popmãhã'," kaxÿy. 'Ämhok, 'ap xuktux'ah, pap-tox kummuk, tu hãmpe'paxex 'ohnäg, tu möktu hãmÿũmmüg 'ohnäg, 'ũkummuk tu'. ²²Tu yãy hãmÿũmmüg pe'paxex, 'ũhitop tu hãmpe'paxex, 'ũpa te hãmÿũmmüg 'ohnäg tu', tup-tox kummuk. ²³Yã Topa hi xe'ëgnäg, pa tikmũn'ũn te nÿm, nÿy topa komut xop pu nũktetex 'ũyãnãn tu', ha' komut xop te tikmũn'ũn putuk, xix putuxnãg putuk, xix xokxop putuk, xi' kep hã' mög xop putuk.

24 Yiy Topa te tikmũ'ün putox kummuk xop nĩm, pu yã putup'ax mĩy, hu hãpxopmã kummuk, tu yã kummugãhã', 25 tu Topa nĩm, tu hãpxop pu nũktetex 'ũyãnãn tu', nõm hãpxop Topa te' mĩy, ha Topa xe'ëgnãg nĩm, tu' xaxok, nũy 'ũkoit'ãx putup 'ũyãnãn tu', pa Topa mũn max, tu' hi xe'ëgnãg, ha' nõg 'ohnãg. Hamũn!

26 Yiy Topa te' nĩm, ha hãpxopmã kummuk, tu' nõy pu' hupmãhã', ha 'ün xop te 'ün nõy pẽnãhã', nũy nũ mütik tu yãyhã' xupxet, 27 ha tik xop te tik nõy pẽnãhã', nõ mõ'ãmã, nũy nũ mütik tu nõm kummuk, tu 'ün putup nõg, pu nũ mütik tu nõm, pa tik xop putup, yã' kummuk, hu yã pu hãpkummugãhã', yiy Topa te' kummugãhã', ha' pago.

28 Tikmũ'ün kummuk te Topa xaxok, tu hãmyümmüg putup 'ohnãg, yiy Topa te' nĩm, pu hãmp'e'panõm kummuk, nũy hãpxopmã kummuk. 29 Yã' kummuk xe'ëgnãg, 'ũxonnix, tu' xupkumiy nãm, tu' nõy pe'paxex kummuk, tu' nõy pu hãpkummugãhã', tu' yĩpkumiy, tu yãykix, tu' nõy putex, tu yã tuk-miy, tu' koit, tu' xupmãhiy kummuk pax, 30 tu' nõy 'ãktux kummuk, tu Topap-tup nõg, tu yã mũn pe'paxex xexka', 'ihã' nõy pe'paxex kutõgnãg, tu hãpkummuk mĩ'ax xak, tu yã tak xi' tut pu' yĩpkox 'ohnãg, 31 tu hãpkummuk mĩy pax, tu hãm'ãktux xex, pãyã' xaxok, hu' hitop tu' xex, yã' mĩy 'ohnãg, tu' nõy kuxa ka 'ohnãg. 32 Tu Topa yõg xat'ax yümmüg, ha' xat hok pu' mĩy hok, ka Topa te: “Püyã tu' xok 'ũyãnãn tu,” kaxiy, pa' yĩpkox 'ohnãg, tu hãpkummuk mĩy pax, tu' nõy xop pu hãpkummuk yümmügãhã', yã' nõy xapit, puyiy hãpxopmã kummuk kamah.

Topa te hãpkummuk mĩy ha' pago

2 1 Ok 'ãxop te 'ãnõy yõg hãpxopmã'ax kopit? Yã' kummuk 'ãktux, pa 'ãxop te hãpkummuk mĩy 'ãnõy putuk, hu yã yõg hãpxopmã'ax kopit'ax kamah. Yã 'ãtix kummuk. Tep te xiy 'ãxop kama hãpkummuk mĩy? 2 Topa mũn max, ha yümü'ãte' yümmüg, ha' kopit max, tu' xat hok puyi' xohix hãpkummuk mĩy hok, ha' kummugãp-tup 'ũyãnãn tu'. 3 Pa 'ãxop te hãpxopmã kummuk, 'ihã 'ãnõy tu: “'Ümĩy hok! Yã Topa tep-tup nõg hãpxopmã'ax kummuk, hu 'ãxüyãp-tup,” kaxiy. 'Ok xate hãmp'e'ãpaxex, hu: “Topa tek mũn pẽnã'ah?” Kaxiy. Yã' koit! Yã' pẽnãhã! 'Üxohix te Topa pu yã putuk, yiy Topa te yã 'õg hãpxopmã'ax kopit putup kamah, tu 'õg hãpkummuk mĩy'ax hã 'ãxüyãp-tup. 4 Topa pe'ãpaxek-tõgnãg hok! Yã' max xe'ëgnãg Topa, tu' hip, xayĩ pẽnã', nũy yãyhãhup, nũy hãpkummuk mĩy'ax nĩm. Yã 'ãxop te hãmyümmüg. 5 'Ayĩpkox hok, puxix Topa 'ãxüyã, 'ãxüy kutõgnãg nã' mõg, tu mõktu 'ãxüy xexka, 'ihã Topa te' hep xop xohix yõg hãpxopmã'ax kopit, pu' xohix hãmyümmüg: Yã Topa te hãmyok mĩy, 6 tu' xohix yõg hãpxopmã'ax yümmüg, tu pagop-tup 'ũyãnãn tu', yã tikmũ'ün te hãpxopmã kummuk, puxix Topa' kummugã', ha tikmũ'ün te hãpxopmã max, puxix Topa hãmmaxnã'. 7 Tikmũ'ün yãg te' xak, nũy hãpxopmã max, xi' xak, nũy tu max xe'ëgnãg, Topa putuk, xi' xak, pu Topa te: “'Ãxop yã yõgnũ!” kaxiy. Tu hãmmax hip, yiy nõm xop hĩnnãp-tup xe'ëgnãg nũy Topa mütik tu tihi! 8 Pa

tikmũ'ün nōy te yāy pe'paxex puxet, nūy yāy putup'ax mīy, xix hāpxe'ep-tup nōg, nūy hāpxopmā kummuk pax, ha Topa gāyāhā', ha hāpkummugāp-tup 'üyānān tu', nūy pago. ⁹Tikmũ'ün xohix te hāpxopmā kummuk, puxix Topa' yānān tu' xūyγā', yōgnū Yoneo yōg tikmũ'ün hāmāxap, hak-nāy tu' puknōg xop xūyγā'. ¹⁰Tu tikmũ'ün max pu hāmmaxnāp-tup 'üyānān tu', pu tu yāyhā max xe'ēgnāg, Topa putuk, ha' xekānāp-tup, xi' kuxa māp-tup. Yā hāmmaxnāp-tup 'üyānān tu', tu Yoneo yōg tikmũ'ün pu hāmmax nāp-tup hāmāxap, xik-nāy tu' puknōg xop pu hāmmaxnāp-tup. ¹¹Yā Topa pu 'ūhep xohix te yāy putuk, tu hāpxopmā'ax xohix kopit nūy yūmmūg, 'ok pe hāpxopmā max, pe tu kummuk, nūy tu pago.

¹²Hām puknōg xop te Mōyyex yōg xat'ax yūmmūg hok, tu hāpxopmā kummuk, ha Topa te' yōg hāpxopmā'ax kopit, tu tikmũ'ün yāy xat'ax hā' kopit, 'ihā' xat'ax yūmmūg 'ohnāg, ha: “'Ūkummuk!” kaxīy. Ha Yoneo yōg tikmũ'ün te Mōyyex yōg xat'ax yūmmūg, tu hāpxopmā kummuk, puxix Topa' yōg hāpxopmā'ax kopit, tu yāy yōg xat'ax hā' kopit, hu: “'Ūkummuk!” kaxīy. ¹³Tikmũ'ün te hāpxopmā max, puxix Topa tep-tup pax, 'ok pe' xat'ax yūmmūg, 'ok pe' xat'ax yūmmūg hok, ha tikmũ'ün te hāpxopmā kummuk, puxix Topa tep-tup nōg, 'ok pe' xat'ax yūmmūg, 'ok pe' xat'ax yūmmūg hok. ¹⁴Hām puknōg xop te Mōyyex yōg xat'ax yūmmūg'ah, pa' puknōg te hāpxopmā max, puxix tu' mīy, Topa yōg xat'ax mīy, 'ihā' yūmmūg hok. ¹⁵'Ūyūmmūg. Topa te yāy yōg xat'ax yūmmūgāhā', nōm xop kuxa kopa' yūmmūgāhā', yī' kuxa kopa' yūmmūg, 'ok pe hāpxopmā max, 'ok pe' kummuk. ¹⁶Hāptup puxet mō'nā'ax, 'ihā Topa te Yeyox xat, pu tikmũ'ün xop xohix yōg hāpxopmā'ax kopit, nūy hāmpe tu panōm yūmmūg, nūy hāmpe tu pānōm xaptop'ax xohix yūmmūg, ha 'āte hām'āpak, max'ax hā hām'āktux, yā Topa te hāmpe'pānōm xohix kopit putup, tu hām'āpak max'ax hā' kopit putup.

Yoneo xop xix Mōyyex yōg xat'ax

¹⁷Ha 'āxop te: “'Ūgmũ'tūg Yoneo xop yōg,” kaxīy. 'Ākuxa mām ka'ok Mōyyex yōg xat'ax kopah, mōnāyxop hittap Mōyyex te kax'āmi', ha 'ākuxa mām ka'ok nō'ōm kopah, tu: “'Ūgmũ'tūg yā Yoneo xop yōg, ha Yoneo yōg tikmũ'ün yā Topa hā tikmũ'ün xe'e',” kaxīy. Yā' hitop tu yāy mūn xexka pe' āpaxex. ¹⁸Tu Topa yōg putup'ax yūmmūg, xayī' mīy māynāg. Tu hāmmax'ax yūmmūg, xayīy hāpxopmā max. Pāyā hitop tu hāmyūmmūg, ¹⁹hu yāy pe'āpaxex hitop, hu: “'Āte hāmyūmmūg, hu hāmyūmmūg hok xop pu hāmyūmmūgā'ax,” kaxīy. ²⁰'Ākuxa mām ka'ok 'ūxat'ax kopah, yā hāmmax xohix yūmmūgāhā', xix hāpxe'e yūmmūgāhā', yīy 'āxop te' tuktup xop pu hāmyūmmūgā'ax, xix hāmyūmmūg hok xop pu hāmyūmmūgā'ax. ²¹Pāyā yāy pu hāmyūmmūgā'ax xate' xaxok, tu Topa yōg hām'āktux 'āktux, pāyā' mīy 'ohnāg. 'Āxop te: “'Āxupxet hok!” kaxīy, tu 'ānōy pu' xat, pu tu' xupxet hok, 'ihā xate' xupxet. ²²Tu' xat hok, pu' nōy hā' xupxet hok, pa 'āxop te 'ānōy hā' xupxet kamah. Tu topa komut xop putup nōg, pāyā topa komut pet tu xate' xupxet, nūy puknōg xop gāyā'. Yā 'ākummuk! ²³'Āxop te yāymūn xexka pe'āpaxex, Topa te xa' hōm yāy xat'ax hah, pāyā 'a' mīy'ah, 'āyīpkox 'ohnāg tu', yī' puknōg xop te Topa 'āktux kummuk, yā 'āxop te

Topa pu' hupmãhã!, ha' yãyhãhup. 24 Topa yõg tappet te: “Ûpuknõg xop te Topa 'ãktux kummuk, 'ãxop Yoneo xop te hãpxopmã kummuk hah,” kaxiy.

25 Yoneo yõg yũmũg tikmũ'ũn te kaxxop pit xop yã yã nãg xax yĩmap tu' mep, puyiy tikmũ'ũn te hãmyũmmũg. Yã Topa yõg tikmũ'ũn xe'e!. Yoneo xop te' xat'ax pu' yĩpkox pip, puxix tu max, pa' yĩpkox hok, puxix yã xax mep 'ũhitop tu'. 26 Ûpuknõg xop te' xat'ax pu' yĩpkox pi!, puxix tu Topa hã tikmũ'ũn xe'e!, 'ihã yã xax yĩmap mep 'ohnãg. 27 Ha kaxiy puknõg xop te yũmũg yõg hãpxopmã'ax kopit putup, nũy hãpxopmã'ax yũmmũg, tu yã xax yĩmap tu' mep 'ohnãg, pãyã Topa yõg xat'ax pu' yĩpkox pip, nũy hãpxopmã max, pa yũmũ'ãte Topa yõg xat'ax yũmmũg max, tu' pit xop yã xax mep, pãyã' yĩpkox hok, tu hãpxopma kummuk, puxi' puknõg xop te yũmũ yõg hãpxopmã'ax kopit putup. 28 Yoneo yõg tikmũ'ũn yã Topa yõg tikmũ'ũn xe'e!. Piyã! Yoneo xop yõg? Tikmũ'ũn te xiy yã Topa yõg xe'e!? Tikmũ'ũn te' xax xak puxet, tu yãyhã 'ohnãg Topa yõg tikmũ'ũn. 'Ãmhok. 29 Pa tikmũ'ũn kuxa te Topa xak, nõ'õm te Yoneo xop yõg xe'e!, ha Topa Koxuk te' kuxa tupmãhã, pu tu Topa hã tikmũ'ũn, 'ũxat'ax te' mĩy hok hah. Yã Topa tep-tup, tu' max 'ãktux. 'Ap tikmũ'ũn nõy te hãm'ãktux'ah.

3 1 Tikmũ'ũn 'ũm te' yĩkopit, hu: “Ok max 'ũgmũn yã Yoneo xop yõg?” kaxiy. Xix: “Ok max Yoneo xop pit yã yã nãg xax yĩmap nũy xak?” kaxiy. 2 Yã! max xe'e!. Topa tek mũ yõg Yoneo xop pu yã yõg hãm'ãktux 'ãktux, 'ũyiy tu xeh max. 3 Tikmũ'ũn 'ũm te hãm'ãktux, hu: “Pa Yoneo yõg tikmũ'ũn punethok yĩpkox pip 'ohnãg, tu Topa yõg hãm'ãktux pu' yĩpkox 'ohnãg,” kaxiy. 'A! yũmmũg, pa Topa mũn max, tu Yoneo yõg tikmũ'ũn pu hãm'ãktux xex, tu' xaxok 'ohnãg. 4 Hamũn! Topa te hãpxe'e 'ãktux, tu hãmyok mĩy, tu' koit 'okpa tikmũ'ũn xohix te mõ'ãmã!, yiy Topa tappet te: “Yã Topa te hãmyok mĩy, tu hãpxe'e 'ãktux, tu' koit 'ohnãg, pu' pa te hãmyũmmũg xe'e' yĩkopit, tu: 'Ûmax,” Kaxiy.

5 Yũmũ'ãte hãpxopmã kummuk, koxix tikmũ'ũn nõy pu Topa mũy, yã hãmyok mĩy Topa te', ha yũmũ yõg hãxopmã'ax kummuk hã yũmũ'ãte hãmyũmmũgãhã!. Yã tikmũ'ũn punethok te hitop tu hãm'ãktux, hu: “Pũyã Topa 'ũgkummugã hok, nũy yũmũ yõg hãpkummuk mĩy hã! pago!, 'Ap max'ah Topa 'ũgkummugã! Kaxiy. 6 Nãy, Topap-xehnãg te hãmyok mĩy! Yã Topa mũn pa te hãmyũmmũg xe'ëgnãg, nũy tikmũ'ũn xop xohix yõg hãpxopmã'ax kopit, xi' hep xop xohix yõg hãpxopmã'ax kopit. Paxpu Topa hãpxopmã kummuk, puxix tu tikmũ'ũn xohix yõg hãpxopmã'ax kopit hok.

7 'ãte xe hãm'ãktux, hu: Yãk mũn te koit, pãyã Topap-xehnãg te koit 'ohnãg. Tikmũ'ũn xohix te yã koit pax, hu hãmyũmmũg. Yã Topap-xehnãg mũn max xe'ëgnãg. Ha tikmũ'ũn 'ũm te hitop tu yĩkopit, hu: “Teptu Topa te' yãnãn tuk kummugãhã!, 'ãte koit hah?” Kaxiy. 8 Tikmũ'ũn nõy te hitop tu hãm'ãktux, hu: Yã! max yũmũ'ãte hãpkummuk mĩy, puyiy Topa hãmmaxnã!, yã! yãnãn tu hãmmaxnã!,” kaxiy. Ha tikmũ'ũn nõy

tekmũn kummuk 'ãktux, hu: “Paot te nõm 'ãktux.” Kaxĩy. Tu' koit. Topa te hãm'ãktux kummuk xop hãpkummugãp-tup 'ũyãnãn tu'.

'Ûxohix te hãpxopmã kummuk

⁹Ok Topa tekmũ yõg Yoneo xop pe'paxex max, xi' puknõg xop pe'paxex kummuk? 'Ãmhok! Yã' xohix te yãy putuk Topa pu', 'ũxohix te hãpxopmã kummuk putup pax, ha' kuxa hĩy ka'ok, ¹⁰yĩy Topa yõg tappet te:

“Tikmũ'ũn yok 'ũm 'ap xip'ah.

¹¹ tu yã hãmyũmmũg 'ohnãg, xix Topa xak 'ohnãg.

¹² 'Ûxohix te Topa nĩm, tu Topa yõg putat xak.

'Û 'ũm te hãpxopmã max? 'Ap xip'ah, 'ap puxehnãg xip'ah.

¹³ 'Ûyĩy'ax te xukpot hax xũy, yã' kummuk, tu yã mõ'ãmã pax,

'Ûyĩkox te kãyãnox yĩkox putuk, nũy tu yĩy'ax hãp-tex.

¹⁴ Tu' mãnõg, hu: 'Pũyã Topa 'ãxat hã 'ãp-tex!' kaxĩy.

¹⁵ Yã' xak, nũy tikmũ'ũn xũyãgã', nũy putex,

¹⁶ tu hãpkut'ex kummuk pax nã' xip, tu hãpkoxoyõy pax,

¹⁷ tu' nõy kuxa yũmmã 'ohnãg,

¹⁸ tu Topa yĩpkutuk 'ohnãg, nũy tu nũktettex,

yã' kuxa te' yey 'okpa Topa xip.” Kaxĩy.

¹⁹Yũmũ'ãte hãmyũmmũg, tu Topa te' xat'ax hõm yũmmũg, ha Yoneo yõg tikmũ'ũn pu' hõm, tu' hõm puyi' xohix yãy yõg hãpxopmã'ax yũmmũg, nũy yãyhãhup Topa tu', ha Topa te tikmũ'ũn xohix, xi' hep xop xohix yõg hãpxopmã'ax kopit putup, nũy yõg hãpxopmã kummuk yũmmũg, nũy yãnãn tu' kummugã'.

²⁰Paxpu tikmũ'ũn Topa xat'ax pu' yĩpkox pi', puxi' kuxa tupmã hok. 'Ãmhok. 'Ûxat'ax te tikmũ'ũn pu hãmyũmmũgãhã', pãyã' kuxa kummuk tupmã 'ohnãg.

Tikmũ'ũn kuxa yũm ka'ok Yeyox kopah, puxix Topa' kuxa kummuk tupmã'

²¹Pa Topa te tikmũ'ũn kuxa kummuk tupmã nõmhã', tu' xat'ax hok hã' tupmãhã', ha Mõyyex yõg xat'ax te yũmũ'ã hãmyũmmũgãhã', xix tik hittap xop te Topa pupi hãm'ãktux, tu yũmũ'ã hãmyũmmũgãhã kamah, yĩy Topa yõg tappet te: Ya hamũn! Kaxĩy. ²²Topa te' kuxa kummuk tupmãhã', pu tu kuxa max. 'Ûkuxa yũm ka'ok Yeyox Kunnix kopah, yĩy Topa te' tupmãhã'. Yã' hep xohix te yãy putuk, yã Yoneo yõg tikmũ'ũn, xix nõm xop te Yoneo xop hã' puknõg, yã yãy putuk. Ha Topa te' kuxa mãm ka'ok xop xohix tupmãhã', pu tu kuxa max. ²³'Ûhep xop xohix te Topa yõg putat xak, tu' nĩm, tu hãpxopmã kummuk pax, hu Topa putuk 'ohnãg. ²⁴Pa Topa te hãmmãxãhã', tu nõm kuxa kummuk tupmãhã', 'ũhok hã' tupmãhã', yã Yeyox Kunnix xok hã' tupmãhã', pu tu kuxa max. Yeyox Kunnix xok, nũy tikmũ'ũn kuxa kummuk xit, nũy kuxa max tat 'ũyãnãn tu'. ²⁵Topa te tu' mũg Kunnix tu: “'Ûpẽnã'” kaxĩy, tu nõm yãykutnãhã', pu mĩpkupnix tu tu' xok, puyĩy Topa tikmũ'ũn yõg hãpkummugã'ax xaxogã', pu tu kux, Yeyox Kunnix xok'ax hã Topa te' xaxogãhã', tu hãmyok mĩy xe'ëgnãg tu' xaxogãhã', tikmũ'ũn kuxa mãm ka'ok hã' xaxogãhã'. Hõmã Topa te nõã'tot tikmũ'ũn yõg hãpxopmã'ax kummuk,

tu 'ap koit'ah, ²⁶pa hõnhã Kunnix mũg, ha' xok tikmũ'ũn pupi', pu tikmũ'ũn xohi' yũmmũg, nũy: "Yã Topa te hãmyok mĩy, hamũn, Topa max xe'ẽgnãg," kaxĩy. Ha hãmyũmmũgãhã, puyĩy yũmmũg. Yã Topa te tikmũ'ũn kuxa kummuk tupmãhã', tu' kuxa mãm ka'ok xop tupmãhã', nõm xop kuxa mãm ka'ok Yeyox kopah.

²⁷Putep te xĩy yã yãy pe'ãpaxex? Putep te xĩy 'ãyõgkãnmãm hã 'ãxip? 'Ok yũmũ'ãte hãmyok mĩy, pu Topa yũmũg putup? 'Ok yũmũg yĩpkox pip Topa yõg xat'ax pu', nũy yũmũg kuxa tupmã'? 'Ãmhok. 'Ap kaxĩy'ah. Pãyã yũmũg kuxa mãm ka'ok Yeyox kopah, hu Topa te yũmũg kuxa tupmãhã', pu tu kuxa max. ²⁸Hu' yũmmũg, Topa te' kuxa yũm'ax puxehnãg hã tikmũ'ũn kuxa tupmãhã', tu' xat'ax hã' tupmã 'ohnãg, tu' yĩpkox pip'ax hã' tupmã 'ohnãg. ²⁹'Ok Topa te Yoneo xop puxet hã yã Topah? 'Ok pe Topa te' puknõg xop hã yã kamah? Hamũn! Yã' hep xohix xop hã Topah. ³⁰Topap-xet, tu Yoneo yõg tikmũ'ũn kuxa tupmãhã', 'ũkuxa mãm ka'ok hã' tupmãhã', tu' puknõg xop kuxa mãm xop kuxa tupmãhã'. ³¹'Ok Topa te' xat'ax nõã', puyĩy tikmũ'ũn kuxa mãm ka'ok Yeyox kopah? 'Ãmhok. Topa te' nõã' 'ohnãg, hak mũ'ãte' xat, puyi' yĩpkox pi', nũy mãynãg mĩy.

Paot te mõnãyxop 'Amanãm 'ãktux

4 ¹'Apu yũmũ'ãte 'Amanãm 'ãktux, nõm te Yoneo yõg tikmũ'ũn xohix hã mõnãyxop hãmãxap. Putep 'ãktux'ax yũmũ'ãte'? ²Yã Topa te 'Amanãm max 'ãktux. Teptu Topa te' xuktux? 'Ok hãpxopmã'ax hã' xuktux? 'Ãmhok. Yã' hok tu Topa te mõ'yãy xe'ẽgnãg, yĩy 'Amanãm te yãy mũn kutõgnãg pe'paxex. ³Yã Topa yõg tappet te: "Amanãm kuxa yũm ka'ok Topa kopah, yĩy Topa te' kuxa kummuk tupmãhã', pu tu kuxa max." Kaxĩy. ⁴Tikmũ'ũn hãm, hu tayũmak paha', 'ũhok hã' pa 'ohnãg, pãyã hãm'ax tu' paha'. ⁵Ha tikmũ'ũn kuxa kummuk, 'ap hãpxopmã max yũmmũg'ah, pa' kuxa yũm ka'ok Topa kopah, puxix Topa pẽnã', nũy kuxa yũm'ax pẽnã', tu' hok hã' kuxa kummuk tupmãhã'. 'Ok Topa te tikmũ'ũn kuxa kummuk xohix tupmãhã'? 'Ãmhok. Pa nõm xop te hãpxopmã max hok, tu' kuxa mãm ka'ok, yã Topa te nõm kuxa tupmãhã'. ⁶Hõmã mõnãyxop hittap Namix te hãm'ãktux, tu tikmũ'ũn hittup'ax 'ãktux, Topa te' yõg hãpkummuk mĩy'ax xaxogãhã', yã hãpxopmã'ax hok hã' tupmãhã', ha' hittup tikmũ'ũn, yĩy Namix te:

⁷"Tikmũ'ũn kuxa hittup, Topa te 'ũyõg hãpkummuk mĩy'ax xaxogãhã hah, pu tu kux.

⁸Tikmũ'ũn kuxa hittup, Topa te' yõg hãpkummuk mĩy'ax mõ'kupix 'ohnãg, ha' hittup," kaxĩy.

⁹Pi'yã' tikmũ'ũn hittup? 'Ok Yoneo yõg tikmũ'ũn puxet hittup? 'Ok pe' puknõg xop hittup kamah? Namix te putep 'ãktux? Yã Namix te' hep xop xohix 'ãktux, nõm kuxa mãm ka'ok xop 'ãktux, yĩy Topa yõg tappet te xe: "Amanãm kuxa yũm ka'ok Topa kopah, yĩy Topa te' kuxa tupmãhã', pu tu kuxa max," kaxĩy. ¹⁰Hãm 'ũm hã Topa te' tupmãhã'? Pi'yã'? 'Ok pe 'Amanãm te yãy nãg xex xak 'ũyĩmap tu hãmãxap, hak-nãy tu' tupmãhã'? 'Ok pe Topa te' Amanãm kuxa tupmã hãmãxap, hak-nãy tu yãy xax xak 'ũyĩmap tu'? Yã Topa te' tupmã hãmãxap, ¹¹hak-nãy tu 'Amanãm te yãy xax yĩmap tu' xak, puyĩy tu yãy kuxa yũm'ax yũmmũgã', yã'

kuxa yûm 'ax ha Topa te 'Amanâm putup, tu' kuxa tupmã hãmãxap, pu tu max, yîy 'Amanâm te yûmû' hã mônãyxop, ha yûmûg kuxa mãm ka'ok hã yûmûg kuxa tupmãhã yây pu', pa yûmûg yäg te yây xax 'üyimap tu' mep hok. ¹²Ha 'Amanâm te Yoneo yög tikmû'ün hã mônãyxop yã kamah, nôm xop kuxa mãm ka'ok Topa kopah, tu 'Amanâm putuk, Topa yög putat hã' mög 'Amanâm putuk tu', ha kaxiy 'Amanâm kuxa yûm ka'ok hãmãxap, tuk-nây tu yây nãg xex yimãp tu' xak.

Topa te hãm'ãktux xex

¹³Topa te 'Amanâm pu hãm'ãktux xex, xix 'Amanâm mőkputox pu hãm'ãktux xex kamah, nüy tu hãm xexka hõm'ax 'õm pu', xi' mőkputox pu', puyiy yây yög nü hãm xexkah, ha hãm'ãktux xex, 'Amanâm kuxa yûm ka'ok hah. Teptu hãm'ãktux xex 'Amanâm pu'? 'Ok xex 'üxat'ax mïy hah? 'Ämhok. Topa mün te hãm'ãktux xex hãmãxap, 'Amanâm kuxa yûm ka'ok hah, hak-nây tu 'Amanâm te' xat'ax pu' yïpkox xip. ¹⁴Yoneo yög tikmû'ün yïpkox pip Mõyyex yög xat'ax pu'. Paxpu Topa te hãm'ãktux xex 'üyïpkox pip xop pu', puxik-tõgnäg, pu' kuxa mãm ka'ok, puxix Topa hãm'ãktux hitop tu' xex. ¹⁵Üxat'ax te Topa te hãm'yok mïy 'ãktux. Tikmû'ün yïpkox 'ohnäg Topa yög xat'ax pu', nüy tu hãpxopmã kummuk, puxix yây tu Topa gãyähã', ha Topa te' kummugãp-tup 'üyänãn tu'. Paxpu' xat'ax tu xip hok, puxix tikmû'ün hãm'yümmüg 'ohnäg, nüy xat'ax pu' yïpkox pi', puxix Topa tu gãy hok kamah.

¹⁶Üyümmüg. 'Amanâm kuxa yûm ka'ok Topa kopah, yiy Topa te hãm'ãktux xex xe'e', tu' hok hõm'ax 'Amanâm mőkputox pu', nôm xop kuxa mãm ka'ok xop pu' hok hõm, nôm te Topa yög putat hã' mög, 'Amanâm putuk, ha yûmû'ã hã 'ãtak, yã yûmûg kuxa kama mãm ka'ok.

¹⁷Ha Topa yög tappet te: “Ühëp xop xohix te 'Amanâm 'ãktux putup, hu: 'Amanâm yã yûmû'ã hã mônãyxop, yã yûmûg kuxa mãm ka'ok kamah, 'Amanâm putuk,' ” kaxiy. Yiy Topa te hãm'ãktux xex ka'ok, ha 'Amanâm kuxa yûm ka'ok Topa kopah, yã Topa xexkah, tu tikmû'ün xakix'ax hïnnãhã', tu hãm xexka xohix yög hãpxop mïy, tu hãpxop hok hã' mïy, 'üxat'ax hã' mïy. ¹⁸'Amanãm kutut, xi' xetut kutut, 'üka'ok, tuk-tok 'okpa Topa te ta tu hãm'ãktux xex, hu: “Ämőkputox xohix xexka pip punethok,” kaxiy. Yiy 'Amanâm kuxa yûm ka'ok, tu hãmmax hip, pa' kutut xe'e 'Amanãm, ¹⁹'üyög hãm'yãxatamuk xohix te 100, ha' yin pu'uk, pa' kuxa yûm ka'ok, tu' yïkopit 'ohnäg, 'ihã' xetut ka'ok yümmüg, ²⁰tu' hittup, tu' kuxa yûm ka'ok, Topa te hãm'ãktux xex tu', tu nôm pu: “Ämax. Xate 'ã' hõm putup 'ügkutok pit. Ya hãmün. Puxi!” kaxiy. ²¹Tu hãm'yümmüg, hu: “Topa te 'ã' hõm putup 'ügkutok pit, tu' ka'ok xe'ëgnäg, nüy tu 'ã' hõm,” kaxiy. ²²Hu' kuxa yûm ka'ok Topa kopah, ha Topa te' kuxa tupmãhã', pu tu kuxa max. ²³⁻²⁴Topa yög tappet te 'Amanâm 'ãktux, tu yûmû'ã 'ãktux kamah, yã Topa te' kuxa mãm ka'ok xop xohix kuxa tupmãhã', 'ü tu kuxa max, ha yûmûg kuxa mãm ka'ok Topa kopah, nôm te yûmûg xuxyã hïnnãhã' putpu', yã Yeyox Kunnix mün hïnnãhã', ²⁵ha te Topa tux hok, pu tikmû'ün

putex, ha yũmũg pupi' xok, nũy yũmũg yõg hãpxopmã'ax kummuk tu' xok hã' pago, ha Topa te putpu' hĩnnãhã', nũy yũmũg kuxa kummuk tupmã Topa tu'.

Topa te yũmũg kuxa kummuk tupmãhã'

5 ¹Topa te yũmũg kuxa kummuk tupmãhã', yũmũg kuxa mãm ka'ok hah. Yã Topa gãy kux, ha yũmũg kuxa mãm, nũy tu hittup. Yũmũg xuxyã Yeyox Kunnix te yũmũg kuxa mãmãhã', ²tu yũmũg mõgãhã', 'ũmõg Topa yõg putat hã. Yã yũmũg kuxa mãm ka'ok Kunnix kopah, yĩy Topa te yũmũ'ã hãmmaxnãhã', ha Topa yõg putat hã yũmũg mõg kumak mõg. Yã yũmũg kuxa hittup, 'ihã' mãm ka'ok, tu hãmmax hip, nũy yãyhã tu max xe'ẽgnãg, Topa putuk. ³Yũmũ'ãte' hip kamah, 'ihã yũmũg xũy, pãyãk kuxa hittup, 'ihãk xũy kamah. Yã kaxĩy yũmũg xũy hã' tot. ⁴Yũmũ'ãte nõã' tot, ha Topa te' pẽnãhã', tu yũmũg putup, yĩy yũmũ'ãte hãmmax hip, nũy yãyhã Topa putuk. ⁵Yũmũg kuxa teknõg 'ohnãg, yã Topa te hãm'ãktux, tute mõ yũmũg yãy xe'ẽgnãg 'ãktux, ha Topa Koxuk te yũmũg kuxa yũmmũgãhã', tu Topa te mõ yũmũg yãy xe'ẽgnãg yũmmũgãhã', ha Topa te yãy Koxuk nũ'kutnãhã yũmũ'ã', yĩy hãmmax hip.

⁶Hõmã yũmũ'ãte Topa hãk puknõg, tu hãpxopmã max hok, ha Kunnix xok, yũmũg pupi' xok, yũmũg kuxa kummuk, yĩ' xok, ha Topa te 'ãmnĩy puxet yãy kutnãhã', ha Kunnix xok nõ'õm 'ãmnĩy 'ihã', nũy yũmũg kuxa ka'ogã', 'ũyĩy yũmũg hãpxopmã max. ⁷Tikmũ'ũn 'ũm te' nõy pupi' xok'ax? 'Ok tik te hãmyok mĩy pupi' xok'ax? Yã' ka'ok, nũy nõy yãnãn tu' xok, pa tikmũ'ũn kutõgnãg te tik max 'ũyãnãn tu' xok'ax. ⁸Pa Topa te mõ yũmũg yãy xe'ẽgnãg, tu yũmũg yũmmũgãhã', yã Kunnix te yũmũg pupi' xok tap, 'ihã yũmũg kummuk nãm! ⁹Ha' xok, nũy yũmũg kuxa kummuk tupmã', pu tu kuxa max, puyĩy Topa gãy kuxyã yũmũg pupi'. ¹⁰Hõmã Topa te yũmũ'ã tu' gãy, pa Topak-tok xok, nũy yũmũg kuxa kummuk xit, nũy kuxa max tat 'ũyãnãn tu', ha hõnhã Topa te yũmũ'ã hãk xape', ha Kunnix hi putpu', tu yũmũg kopa' xip. ¹¹Yũmũg kuxa hittup xe'e', yã Topa yũmũ'ã hãk xape, xix Yeyox Kunnix te yũmũg kuxa hittupmãhã', yã yũmũg xuxyã', tu Topa gãy kuxyãhã', yĩy Topa hã yũmũg xape'.

'Anão xix Kunnix

¹²Tik te mãxap puxet te hãpxopmã kummuk hãm xexka tu', hu' xok, hãpxopmã kummuk tu' xok, yĩ' hep xop xohix xakix'ax, 'ũxohix te hãpxopmã kummuk tu'. ¹³Hõmã, hãmyãxatamuk xohixnãg hã, 'ap xip'ah Topa yõg xat'ax, ha' hep xop xohix te hãpxopmã kummuk, pãyã Topa te hãpxopmã'ax kummuk mõ'kupix 'ohnãg, yã tikmũ'ũn te' yõg xat'ax yũmmũg hok. ¹⁴Mõnãyxop hãmãxap 'Anão 'a' yĩpkox pip'ah 'ũxat'ax pu', tu hãpkummuk mĩy, ha' hep xop xohix te hãpxopmã kummuk, hu' xakix nãm, 'ihã 'Anão xip hãpxexka tu', ha' xohix xakix, tu mõktu mõnãyxop hittap Mõyyex xip, nõm te Topa yõg xat'ax kax'ãmi', yã' xohix xakix.

'Anão yã tikmũ'ũn kummuk hã mõnãyxop hãmãxap, ha Yeyox Kunnix 'ũk-nãy tu' nũn, nũy yãyhã tikmũ'ũn kuxa tup xop hã mõnãyxop. ¹⁵Ûyũmmũg.

Topa te hãmmax nãhã', pãyãp-xet'ah. Topa te hãmhok hã' hãmmaxnãhã', pa 'Anão te hãpkummugãhã'. Ya hamün. 'Ûhep xop xohix xakix, 'Anão te hãpkummuk mĩy, ha' xakix, pa Topa mün max xe'ëgnãg, tu hãmmaxnãhã hãmhok hã', tu tikmũ'ün kuxa kummuk xit, Yeyox xok hã' xit, nũy kuxa max 'üyãnãn tu' tat, Yeyox Kunnix te tikmũ'ün mõ'yãy xe'ëgnãg hah. ¹⁶'Ûyũmmũg. Tik puxet te hãpkummuk mĩy, ha Topa gãy, tu: "Yã' kummuk 'õhõm!" kaxĩy. Pa Topa te hãpkummuk mĩy'ax xop pu hãmmaxnãhã', 'ũhok hã hãmmax nãhã', tu hãpkummuk mĩy'ax xexka xaxogãhã', tu' kuxa kummuk xit, 'ũhok hã' xit, nũy kuxa max tat tu' yãnãn. ¹⁷Hamün. Tik puxet te hãpkummuk mĩy, yĩ' hep xop xohix xakix'ax. Yã hãpxopmã xexkah, tu' xohix pu hãpkummugãhã'. Pa tik nõy te hãpxopmã xexka xe'ëgnãg, 'ũxuxet'ax Yeyox Kunnix, tu hãmmax xexka nãhã' 'ũxohix pu', nõm xop kuxa mãm ka'ok Yeyox kopa' xop pu hãmmaxnãhã', ha Topa te' kuxa kummuk tupmãhã', pu tu kuxa max, ha Kunnix te yũmũ'ã xexkãnãp-tup, 'üyiy nũ mütik yũmũg hi xe'ëgnãg, nũy hi mõkumak mõg.

¹⁸Tik puxet te hãpkummuk mĩy, yĩ' hep xop xohix xakix'ax, ha hãpxopmã'ax max puxet nõy te' xohix kuxa tupmãhã', tu' hĩnnãhã'. ¹⁹Tik puxet te' hep xop xohix pu hãpkummugãhã', tu Topa pu' yĩpkox xip 'ohnãg, hu yãy putox xop xohix pu hãpkummugãhã', yã' hep xop xohix te hãpkummuk mĩy kamah. Pãyã tik puxet nõy te' xohix pu hãmmaxnãhã', tu' yĩpkox xip Topa pu', hu hãmmaxnãhã', tu' kuxa kummuk tupmãhã'.

²⁰Topa te' xat'ax hõm, nũy hãpkummuk yũmmũgã', ha hãpxopmã'ax kummuk te' nõy nã' mõg tu mõktu yã' xohix, pa Topa te hãpxopmã hok hã hãmmaxnãhã', tu nõy nã' mõg tu mõktu xohix xexkah. ²¹Hõmã tikmũ'ün te hãpxopmã kummuk, ha' kuxa hĩy ka'ok, pa hõnhã Topa te hãmmaxnãhã', tu' hok hã tikmũ'ün kuxa kummuk tupmãhã', pu tu max, puyiy hãmyok mĩy, nũy tu hi xe'ëgnãg mõ kuma' yũmũg xuxyã mütik, nũy Yeyox Kunnix mütik hãpxopmã'ax xohix xat.

Kunnix tek mũg kuxa tupmãhã'

6 ¹Yũmũ'ãtep-tep 'ãktux'ax? 'Ok max, yũmũg hãpxopmã kummuk pax, puyiy Topa hãmmaxnã xexka'? ²'Ãmhok! Kaxiy hok! Yã yũmũg kuxa mãm ka'ok Yeyox kopah, ha Topa te yũmũg kuxa kummuk tupmãhã', pu tu kuxa tup, nũy hãpxopmã kummuk putup hok, nũy kuxyã'. Tikmũ'ün xok, tu hãpxopmã kux, ha kaxiy yũmũ'ãte hãpxopmã kummuk tu kux kamah, ³Yũmũg kuxap-xet Yeyox Kunnix kuxa mütik nũy. Yã yũmũg pupi' xok, 'üyiy yũmũg hãpxopmã kummuk tu kux, ha tikmũ'ün te yũmũg putox pix, puyi' xohix hãmyũmmũg. Yã Kunnix xok yũmũg pupi', pu yũmũg kuxap-xet yãy kuxa mütik. ⁴Yeyox Kunnix xok, ha nõ hãpkot yũmũg pupi kamah, pu yũmũ yõg hãpxopmã'ax kummuk xaxogã'. Ha yũmũg putox pix, nũy yũmũ'ã hãmyũmmũgã', 'üyiy hãpkummuk mĩy kux. Ha Topa yũmũg Tak te Kunnix putpu hĩnnãhã', tu yũmũg ka'ogãhã kamah, 'üyiy yũmũg hi xe'e Yeyox mütik, nũy tu hãpxopmã max.

⁵Yã Kunnix xok, yũmũg pupi' xok, 'üyiy yũmũ'ã hãpxopmã kummuk tu kux, ha' putpu' hi yũmũg pupi kamah, 'üyiy yũmũg hi xe'e'. ⁶Tu hãmyũmmũg.

Hômã yũmũ'áte hãpxopmã kummuk, tu' mĩy pax, pa Kunnix te mĩpkupnix yĩmũ tu' xok, yũmũg pupi' xok, nũy yũmũg kuxa tupmã', pu hãpkummuk yũmũg kuxa hĩy hok, pu yũmũ'ã hãpxopmã kummuk tu kux, nũy yãñã tu hãpxopmã max. ⁷Tikmũ'ũn xok, tu hãpkummuk mĩy kux. ⁸Kunnix xok yũmũg pupi', 'ũyĩy hãpkummuk mĩy tu kux, tu' putpu' hi yũmũg pupi kamah, 'ũyĩy hi mō'kumak mōg yãy mũtik. ⁹Ūyũmmũg. Topa te Kunnix hĩnnãhã' putpu', yĩy xe xok putup 'ohnãg. Yã Topa te' hinnãhã', pu tu hi mō'kuma' mōg. ¹⁰Yã' xok, ha hãpkummuk mĩ'ax xop te xe Kunnix putex 'ohnãg, 'ap xep xok putup'ah, pa Topa tu' hi xe'ẽgnãg. ¹¹Yã Kunnix xok 'ãxop pupi', nũy 'õg kummuk mĩy'ax kuxyã'. 'Ūxaxok hok! Hõnhã Kunnix hi xe'e Topa tu', ha 'ãkuxap-xet Yeyox Kunnix kuxa mũtik, nũy Topa tu 'ãhi xe'e kamah.

¹²Hãpkummuk mĩy hok, xix yãy putup'ax mĩy hok, xayĩy yãy kummugã hok. ¹³Topap-xehnãg pu 'ĩpkox pi', pu tu 'ãxat. Yã xa hãmmaxnã xexka! Tu 'ãhĩnnãhã', ha Topa tu 'ãhi', nũy hãmyok mĩy, yĩy 'ãnõy pu 'ãyĩpkox hok, xayĩy hãpkummuk mĩy hok. ¹⁴Tikmũ'ũn kummuk pu 'ãyĩpkox hok. Yã yũmũg xat hok. Pa Topa te yũmũg hĩnnãhã', 'ap xat'ax te yũmũg hĩnnã'ah, pa Topa te yũmũ'ã hãmmaxnãhã', tu' hok hã' nãhã', ha yũmũg hi xe'ẽgnãg.

Yũmũ'ã Topa hã kãmãnat xop

¹⁵Mõyyex yõg xat'ax tap, ha Topap-xehnãg te nõmhã yũmũg xat, tu yũmũ'ã hãmmaxnãhã'. 'Ãxop te-putep pe'ãpaxex? 'Ok Topa te yũmũg kuxa tupmãhã', 'ũyĩy yũmũg hãpkummuk mĩy? 'Ap hamũn'ah! Yãmhok! ¹⁶'Ãxop te hãmyũmmũg. Tik te' nõy pu' hãm, puxix yã' nõy yõg kãmãnat, tu' yĩpkox pip, tu hãm'ãpak, nũy tu hãm max. Ha kaxĩy tikmũ'ũn te Topa pu' yĩpkox pip, tu Topa hã 'ũyõg kãmãnat, ha nõm pu hãmmaxnãhã', tu' kuxa kummuk tupmãhã', pu tu kuxa max. Pãyã tikmũ'ũn yĩpkox hok, puxix tu hãpxopmã kummuk, tu yãy kuxa tupmã hok. Yĩy Topa te nõm putup nõg, 'ũkuxa kummuk hah. Yã yãy kummugãhã'. ¹⁷Nũ mõy Topa pu hãm'ãktux, nũy: "Ãmax Topah!" kaxĩy. Yã hõmã 'ãxop te hãpxopmã kummuk, pãyã hõnhã Topa pu 'ãyĩpkox pip, hãm'ãpak max 'ãpak'ax tu', ha tikmũ'ũn te xa hãmyũmmũgãhã', tu xa hãpxe'e yũmmũgãhã', yĩy 'ãkuxa tep-tup, tu' hittup xexka'. ¹⁸Hõmã 'ãkuxa hittup 'ohnãg, hãpxopmã kummuk tu', pãyã nõmhã Topa yõg putat hã 'ãmõg, nũy hãpxopmã max, nũy Topa yõg putup'ax mãynãg mĩy, hu 'ãkuxa hittup xexka'. ¹⁹A 'ãxop te hãmyũmmũg'ah, yĩy 'ãte hãm'ãktux'ax hã xa hãmyũmmũgãp-tup. Hõmã 'ãxop te' xak, nũy hãpkummuk mĩy, tu' mĩy pax, tu 'ãnõy hã'xupxet, tu 'ãnõy kummugã pax, Hu mõy, hõnhã xax, nũy Topap-xehnãg pu hãpxopmã max, xayĩy 'ãhi xe'e', xayĩy 'ãnõy pu hãmmaxnã'.

²⁰Hõmã 'ãxop te hãpxopmã kummuk pax, tu Topa pu 'ãyĩpkox 'ohnãg. ²¹Nãy 'ũxutigã', nũy 'õg hãpxopmã'ax kummuk pe'ãpaxeh. 'Ok 'ãhittup, 'ĩhã hãmpel'ãpaxex? 'Ok pe xate yãyhãhup? Yã xate yãyhãhup, hãpxopmã kummuk tu'. Hõmã 'ãkuxa hittup 'ohnãg, yã Hãmgãyãgnãg Pet ha 'ãmõg'ax. ²²Pa Topa te 'ãkuxa ka', tu 'ãkuxa kummuk tupmãhã', xa kuxa max, nũy Topap-xehnãg pu 'ãxop hãpxopmã max, nũy 'ãhi xe'ẽgnãg mō kuma 'ãmõg.

²³Tikmũ'ûn te hãpxop kummuk hã yãy kummugãhã 'ũyãnãn tu', nũy pago, hu ta xakix. Pa Topa te hãmmaxnãhã, 'ũhok hã hãmmaxnãhã, nũy tikmũ'ûn hĩnnã xe'ëgnãg. Yeyox Kunnix xok hã' hĩnnãhã, nõ'ôm yũmũg xuxyã xe'e!, ha yũmũg kuxap-xet Kunnix kuxa mütik.

Paot te yãyta'ax xop hã hãmyũmmũgãhã'

7 ¹Ūkxape xop, 'ãxop xohix te' xat'ax yũmmũg, hu hãm'ãktux yũmmũg kamah yõgnũ'. 'Ūxat'ax yã' xat tikmũ'ûn xohix, ha ta' xakix xop 'ap xat'ah. ²'Ūyũmmũg. 'Ūn yãytaha!, ha' xat'ax te 'ũgmĩy ka'ok, tu' yĩpxox mũggã ka'ok, pa' yĩpxox xok, puxix 'ũhĩy'ax koa!, ha ta' nĩm, tu' hok yũm. ³Kaxĩy, 'ũn te tik nõy mütik nõm 'ĩhã' yĩpxox xip, puxix tikmũ'ûn te: “Yã 'ũn kummuk, tu' nõy hã' xupxet,” kaxĩy. Pa 'ũn yĩpxox xok, puxix tup-xehnãg, nũy hok yũm, tu nõm pu' yĩpxox xip kux, yã' max, 'ũn te tik nõy mĩy, nũy nõ mütik yãytax. ⁴Ūkxape xop, yã kaxĩy 'ãxop te 'ãhok pip xop putuk. Yã Kunnix xok 'ĩhã Mõyyex yõg xat'ax pu 'ãyĩpkox kux, nũy hõnhã Kunnixp-xet pu 'ãyĩpkox pi!. Yã 'ãxop te Kunnix hã' yĩn xexka!, tu yã hõnhã 'ũyõg, ha putpu' hi!, 'ũyĩy yũmũg hãpxopmã max Topa pu!. ⁵Hõmã yũmũ'ãte hãpxopmãhã, tu yã yãy yõg putup'ax xohix mĩy, tikmũ'ûn xop xohix putuk, yũmũ'ãte' mĩy, ha' xat'ax te hãpkummuk mĩy xat hok, 'ũmĩy hok, hu hãpkummuk mĩy putup xũy, tu mõktu yũmũg xakix. ⁶Pa hõnhã yũmũg hok pip, ha yũmũg hĩy'ax koa!, yũmũg hok pip, nũy Topap-xehnãg pu hãpxopmã max. Topa Koxuk te yũmũg hĩnnãhã xe'e!, tu yũmũg putox kummuk tupmãhã, ha' xat'ax hittap te yũmũg xat kux. ⁷Yũmũ'ãtep-tep 'ãktux'ax? 'Ok xat'ax kummuk? 'Ãmhok! Yã' max, pãyã' xat'ax tek mũn pu hãmyũmmũgãhã, 'ũ yũmmũg, 'ok pe' max, 'ok pe' kummuk. 'Ūxat'ax tek xat hok, 'ũyĩy hãpxop putup xũy hok. Paxpuk xat hok, kopxix hãpxop putup xũy hok, pa hõnhã 'ãte hãmyũmmũg, hu hãpxop putup xũy xe'e!. ⁸Yĩ' xat'ax tek xat, 'ũyĩy tuk nõy yõg hãpxop putup xũy hok, hu 'ãte hãpxop putup xũy. Pax puk xat hok, kopxix Topa yõg hãmp'e'paxex yũmmũg hok, xix yãy yõg hãpxopmã'ax kummuk yũmmũg hok. Yã Topa pa te hãmyũmmũg xe'ëgnãg, hu' xat, 'ũyĩy hãpxopmã max. ⁹Hõmã 'ãte' xat'ax yũmmũg 'ohnãg, tu hãmp'epaxex, hu: “Yã 'ãte hãpxopmã max,” kaxĩy. Pa Topa tek xat, 'ũyĩy hãpkummuk mĩy hok, ha 'ãte' xupak, tu hãmyũmmũg, tu yãy kuxa kummuk yũmmũg, ¹⁰hu yãy kuxa tu teknõg. Yã Topa te' xat'ax hõm, puyĩy tikmũ'ûn hĩnnã, pak yũmmũgãhã, 'ũ yũmũ yãy yõg hãpxopmã'ax kummuk. ¹¹'ãte hãpkummuk mĩy, hu yãy pu mõ'ãmã!, tu yãy mũn max pek'paxex, pãyã' koit. Hu 'ãte yãy kuxa putex, tu: “ãte Topa yõg xat'ax mĩy hok.” Kaxĩy.

¹²Yã Topa yõg xat'ax max xe'ëgnãg, tu hãpxe'e!. ¹³Tepte xĩy? 'Ok hãpxop max tek kummugãhã? 'Ãmhok! Pãyã 'ãte hãpkummuk mĩy, ha Topa yõg xat'ax max, tu yõgnũ hãpxopmã'ax kopit, nũy 'ũgmũn yũmmũgã, yã 'ãte hãpkummuk mĩy xe'e!.

Tikmũ'ûn kuxa te yãy tuk-mĩy

¹⁴Yũmũ'ãte hãmyũmmũg. 'Ūxat'ax yã Topa yõg, hak mũn pu'uk, hu hãpxopmã kummuk pax, tu hãpxopmã kummuk mõ kumak mõg. ¹⁵'ĩntu! 'ãte

hãpxopmã maxp-tup, pãyã 'ap mĩy'ah, tu hãpxopmã kummuk putup nõg, pãyã 'ũmĩy. ¹⁶Tu hãpxopmã kummuk, 'ihã nõm putup nõg, kopxix: Yã hamũn. Topa yõg xat'ax max xe'e!. Kaxĩy. ¹⁷'Ak mũn te' mĩy'ah, pãyã hãpkummuk tek kuxa kopa' xip mũn te' mĩy. ¹⁸'Áte' xak, nũy hãpxopmã max, pãyã 'a' mĩy yũmmũg'ah 'áte!, 'ũgkuxa kummuk tu!. ¹⁹Tu' xak, nũy hãpxopmã max, pãyã 'a' mĩy'ah, tu' yãnãn tu hãpxopmã kummuk. ²⁰'A 'áte hãpkummuk mĩy putup'ah, pãyã' mĩy, yĩy hãpkummuk tek kuxa kopa' xip tek kummugãhã!, ²¹yĩy 'áte hãmyũmmũg. 'Áte hãpxopmã max putup, 'ihã hãpxopmã kummuk 'ũp-xehnãg. ²²'Ugkuxa te Topa yõg xat'ax hã' hittup, ²³pãyã 'áte hãpkummuk mĩy pax, 'ũgkuxa kummuk tu!. Tu hãpxopmã max xak, pãyãg kuxa kummuk tuk hĩy, 'ũ hãpxopmã max hok. ²⁴Huk hittup 'ohnãg. 'Û 'ũm mũn tek ka'ogã'ax, 'áte hãpxopmã max? ²⁵Topa tek ka'ogãp-tup, yĩy 'áte: "Topa 'amax," kaxĩy. Yã Yeyox Kunnix te 'ũ 'ũm hã 'átehet.

Kaxĩy 'ũgkuxa kopa 'áte' xak, nũy Topa yõg xat'ax 'ũgyĩpkox xhip, nũy 'ũgmãynãg mĩy, pãyã 'áte' mĩy yũmmũg'ah, hu hãpkummuk mĩy pax.

Topa Koxuk tek mũg ka'ogãhã'

8 ¹Topa te yũmũg kummuk 'ũm 'ãktux'ah nõmhã, yã yũmũg kuxap-xet Yeyox Kunnix kuxa mütik, ha Topa te yũmũg 'ũm 'ãktux kummuk 'ohnãg Yeyox Kunnix hah. ²Topa Koxuk te yũmũg hĩnnã xe'e Yeyox Kunnix mütik, tu yũmũg möy, pu' xat'ax yũmũg kuxa hĩy hok, 'üyiy yũmũg hãpkummuk mĩy hok, nũy yũmũg xakix hok kamah. ³'Ûxat'ax te yũmũg 'ũm kuxa tupmã'ah. Yũmũ'áte yãy putup'ax mĩy, yĩy hãpxopmã kummuk pax, pa Topa ka'ok, tu yũmũg kuxa tupmãhã!, pu tu kuxa max, tu hãpxopmã'ax kummuk 'ãktux kummuk kamah, huk-tok pit nü'kutnãhã!, ha yãyhã tikmũ'ũn kutok nũy hãpkummuk kuxyã!, ⁴'üyiy yũmũg hãpxopmã max, nũy tu' xat'ax xohix pu yũmũg yĩpkox pi!, yã' xat'ax max xe'e!. Ha Topa Koxuk te yũmũg ka'ogãhã!, 'üyiy yãy putup'ax mĩy hok. ⁵Tikmũ'ũn te yãy putup'ax mĩy, puxix tute hãpkummuk mĩy, pa tikmũ'ũn te Topa Koxuk pu' yĩpkox pip, puxix tu hãpxopmã max, Topa Koxuk pekpaex tu!. ⁶Tikmũ'ũn te yãy putup'ax mĩy, puxix tu xakix, hãmp'e'paxex kummuk tu!, pa tikmũ'ũn te Topa Koxuk pu' yĩpkox pip, nũy hãpxopmã max, puxix tu hi xe'e!, tu' kuxa mãm max, Topa Koxuk pe'paxex tu!. ⁷Yiy tikmũ'ũn gãy, tu Topap-tup nõg, nũy yãy putup'ax mĩy, tu yã hãmp'e'paxex kummuk, tu Topa yõg xat'ax pu' yĩpkox 'ohnãg, tu' mĩy 'ap yũmmũg'ah, ⁸yiy Topa te nõm xop putup hok, nõm te yãy putup'ax mĩy pax.

⁹Pa 'ãxop te yãy putup'ax mĩy 'ohnãg. 'Ámhok. 'Áxop te Topa Koxuk pu 'ãyĩpkox pip. 'Áxop te nõm pu 'ãyĩpkox pi!, puxix Topa Koxuk 'ãkopa xip. Tikmũ'ũn te Kunnix Koxuk xip hok, puxix Kunnix yõg hok. ¹⁰Kunnix te 'ãkopa' xip, puxix Topa Koxuk 'ãhĩnnã!, Topa te 'ãkuxa tupmãhã hah, pa 'ãyĩn xok putup, xate hãpkummuk mĩy pax hah. ¹¹Topa Koxuk te Yeyox Kunnix hĩnnãhã! putpu!, tu 'ãkopa' xip, yiy kamah hĩnnãp-tup putpu 'ãxop yĩn, yã hõnhã' xip 'ãkopah.

¹²'Ûkxape xop: Yã Topa te yũmũ'ã hãmmaxnãhã!, yiy yũmũ'áte tu ta nemẽn. 'Ápu yũmũ'ã yãy yõg putup'ax mĩy hok. ¹³'Áxop te' mĩy, hu ta xok, pa Topa Koxuk pu 'ãyĩpkox pip, hu ta yã hi xe'ẽgnãg. ¹⁴Tikmũ'ũn te Topa Koxuk

pu' yîpkox pip, yâ 'ôhôm Topak-tok xe'ëgnäg. ¹⁵Yâ Topa Koxuk te 'äkuxa kummugâ 'ohnäg, pa' hittupmähâ, nüy tu kuxänög hok. 'Ûyümmüg. Yümü'äte yâyhâ Topak-tok xop, pu yümüg ka'ogâ, 'üyîy Topa pu hãm'äktux, hu: "Tak, yögnü 'Ätak!" kaxîy. ¹⁶Ha Topa Koxuk te yümüg koxuk pu hãm'äktux, nüy yümü'ä Topak-tok xop 'äktux. ¹⁷Yümüg yâ Topak-tok xop, hu pexkox yög häpxop max xohix pop putup, Topa te nôm xex yây yög tikmü'ün pu', ha yümü'äte' pop putup Kunnix mütik. Yâ Topa te nôm häpxop max xex Kunnix pu', tu pexkox kopa' xex, ha yümü'äte häpxop mô'koxip putup Kunnix mütik. Nôm mütik yümüg xüy, koxix yümüg yâyhâ max xe'ëgnäg Kunnix putuk.

Yümü'äte yâyhâp-tup max xe'ëgnäg

¹⁸Äte hãmpe'paxex, hu: Yümüg xüy kutögnäg nômhâ, tuk kuxa hittup xe'ëgnäg putup hómâ, 'ihâ häptup xe'e nöy punethok mô'nähâ, 'ihâ yümüg yâyhâp-tup max xe'ëgnäg. ¹⁹Topa te yönnä'î xohix mîy, ha' hip, tu' xak, pu Topa nôm tu yây yög kutok xop müg. ²⁰Hómâ häpxopmä'ax xohix yâyhâ hitop, Topa tep-tup hah, ha hãmmax hip, ²¹puyîy Topa tux hok, pu tik-tox hok, 'ü yâyhâ max xe'ëgnäg, Topak-tok xop xohix mütik. ²²Yümü'äte hämyümmüg, nôm yönnä'î xop tu' kokôn, tu' xüy, 'ün tek-tok put putup, tu' xüy, tu' kokôn, ha kaxîy yönnä'î xohix xüy pu Topa' hittupmä'. ²³Pâyâ' hok pip'ah. 'Ämhok. Yâ yümü'äte kopa yâ' kokôn kamah, ha Topa te yümü'ä yây Koxuk hok hóm hãmâxap, ha' hip, nüy yümüg yâyhâ Topak-tok xop, yâ yümüg tupmähâ, 'üyîy yümüg tup mô'kumak mög. ²⁴Yâ yümüg kuxa tupmähâ, yümüg kuxa mäm ka'ok ha' tupmähâ, ha yümü'äte hãmmax hip. 'A hönhâ yümü'äte' pênâ'ah, tuk kuxa mäm ka'ok, hu hämyümmüg, yâ yümü'äte' pênâp-tup. Pax pu tikmü'ün hämpênâ', puxi' hip 'ohnäg. ²⁵Pa tikmü'ün te' pênâ hok, puxix tu kuxa mäm ka'ok, tu hãmmax hip, puyîy Topa 'ä' mîy.

²⁶Ha Topa Koxuk te mô yümüg nîynâm, yümüg kuxa pu'uk hah. Ha yümü'äte Topa mütik hãm'äktux yümmüg'ah, yîy Topa Koxuk te Topa tu ta tu' xak, yümüg pupi' tu' xak, 'ükokôn 'ihâ yümüg pupi' xak, nüy 'üyîy hok hâ hãm'äktux, nüy Topa pu hãm'äktux. ²⁷Ha Topa te tikmü'ün kuxa kopa pênâhâ, tu yây Koxuk pe'paxex tu' yümmüg, ha yây Koxuk xe'ëgnäg te Topa tu' xak, yây yög tikmü'ün pupi' xak, tu Topa yög putup'ax yümmüg. ²⁸Topa te yümü'ä hãmmaxnähâ, tu hãmmaxnâp-tup mô'kuma' mög, tu häpxopmä'ax xohix hâ yümü'ä hãmmaxnähâ. Yâ yümü'äte Topap-tup pax xexka', yümüg yimögatux hah, tu yümüg xänähâ, mô yümüg yây xe'ëgnäg tu', ha yümü'äte' yümmüg, hu yümüg kuxa mäm. ²⁹Topa te yümüg yimögatux tap, tu yây pu yümüg pop, 'ü yümüg yâyhâ 'ähâ tuk-tok putuk, pu Kunnix yâ mähâp, ha yümüg xohix yâ nôm mô nü kuhmøy. ³⁰Ha Topa te yây pu yümüg pop tap, xix yümüg xänähâ, xix yümüg kuxa tupmähâ, pu tu kuxa max, 'üyîy yümüg yâyhâ max xe'ëgnäg, Kunnix putuk.

Topa te mô yümüg yây xe'ëgnäg Yeyox Kunnix hâ

³¹Hamün, yîy yümü'ätep-tep 'äktux'ax? Topa te yümü mütik tihi', yîy tikmü'ün kummuk te hitop tu yümü'ä häpkummugähâ. ³²Topa te yây kutok pit

puxet kumÿy 'ohnäg, pa yÿmũ'ã' hõm. 'Ûk-tok hõm yÿmũ'ã', puxix tu hãpxop xohix yÿmũ'ã' hok popmãp-tup kamah. ³³Topa te yã yõg tikmũ'ün yÿmõgatux. 'Ok tik 'üm xip, nÿy 'ükummuk 'ãktux? 'Ap tik 'üm xip'ah, yã Topa mÿn te' kuxa tupmãhã', pu tu kuxa max. ³⁴Yÿy tikmũ'ün 'üm 'a' kummuk 'ãktux'ah. Kunnix xok, yã putpu' hi', tu Topa yÿpxe'e hã' xip, tu yÿmũg pupi Topa tu ta tu' xak, ³⁵tu mõ yÿmũg yã xe'ëgnäg. 'Ap tikmũ'ün 'üm xip'ah, xix hãpxopmã'ax 'üm xip'ah, nÿy Topa pu' hupmã hok, puyÿy Topa yÿmũg putup hok. Yÿmũg xÿy xix hãpxop xak'ax tat punethok, xix tikmũ'ün te yÿmũg xÿyghãhã', ha putup te yÿmũg kix, ha topixxax 'üm yÿmũg xip hok, xix tikmũ'ün kummuk te' xak, nÿy yÿmũg kix, puxix Kunnix mÿn mõ yÿmũg yã xe'ëgnäg, tu yÿmũg nÿm 'ohnäg. ³⁶Topa yõg tappet te: “Ämnÿy xohix hã tikmũ'ün te yÿmũg putup nõg, tu yÿmũg kix putup, yÿmũ'ã yã Topa hã tikmũ'ün hah. Tikmũ'ün te kahnën mögãhã', nÿy putex, ha taxÿy yÿmũg mögãhã', nÿy yÿmũg kix,” kaxÿy.

³⁷Pãyã tute yÿmũg nõã hok, Yeyox Kunnix te mõ yÿmũg yã xe'ëgnäg hah, yÿy yÿmũg kuxa hittup xexka', 'ihã pexkox ha yÿmũg mög kumak mög. ³⁸Yÿy 'ãte hãmyÿmmũg. Kunnix te mõ yÿmũg yã xe'ëgnäg, tu yÿmũg nÿm 'ohnäg. Pe yÿmũg hi', pe yÿmũg xakix, puxix Kunnix yÿmũg nÿm hok. Pexkox yõg xop xix yãmÿy xop te yÿmũg nÿmmã hok, ha hõnhã Kunnix te yÿmũg mÿtik tihì', tu hãptup hã yÿmũg mÿtik hi putup, xix hãptup nõy xohix hã Kunnix te yÿmũg 'üm nÿm putup'ah, mõ yÿmũg yã xe'ëgnäg tu'. ³⁹Yã pexkox yõg xop te Kunnix nÿmmãp-tup hok yÿmũ'ã', xix hãm xexka xix hãm kaka' pip xop te yÿmũ'ã nÿmmãp-tup hok kamah. 'Ap xip'ah hãpxopmã'ax te Topa pu hupmãhã', puyÿy yÿmũg nÿm, ha mõ yÿmũg yã xe'ëgnäg, yÿmũg xuxyã Yeyox Kunnix hã Topa te mõ yÿmũg yã xe'ëgnäg.

Topa xix yã yõg tikmũ'ün

9 ¹'Äte xa hãpxe'e 'ãktux: 'Ûgmÿn yã Kunnix yõg, hu 'ap koit'ah. Topa Koxuk tek kopa' xip, tuk kuxa pu hãmyÿmmũgãhã', tu: “A xatep koit'ah,” kaxÿy. ²'Ûgkuxa hittup 'ohnäg, yãk kuxa xÿy, 'ihã 'ãte yã yõg tikmũ'ün pe'paxex. Yãk xape xe'e Yoneo yõg tikmũ'ün, 'ügmũg hep puxet tu'. ³'Äte hãm'ãktux'ax hu: Pÿyã Topa 'üggummugã', nÿy 'ükxape hã hãmmãxnã! Tu xe hãm'ãktux'ax, hu: Pÿyã Kunnix 'ügnÿm, nÿy tuk xape mõ'nÿynãm 'üyãnãn tu'. ⁴Nõ'õm yã Topa yõg tikmũ'ün, ha' yÿmõgatux, pu Topa hãk-tok xop, ha Topa te' xexkanãhã', yã mÿtik, tu' pa'ax mÿy nõm xop mÿtik, tu tu' xat'ax hõm. Yã 'õm te Topa xak, tu' yëy Topa keppah, ha Topa te nõ'õm mÿtik hãm'ãktux xex. ⁵Ha mõnãyxop hittap mõkputox, ha Kunnix mÿn kama mõnãyxop hã mõkputox. Pÿyã' xohix Topa xexka 'ãktux mõ kuma' mög, 'üxexka xe'ëgnäg hah. Hamÿn.

⁶Pa 'a Topa te hãm'ãktux hitop tu' xex'ah. 'Ämhok. 'Ap kaxÿy'ah, pãyã 'Iyaet yõg tikmũ'ün xohix 'a Topa yõg'ah. 'Ämhok. Topa te 'a xohix yÿmõgatux'ah. ⁷Yã Mõnãyxop hittap nãm 'Amanãm mõkputox, pãyã' yãg Topa hã yã kutok xop. 'Ap xohix'ah. Yÿy hõmã Topa te 'Amanãm pu hãm'ãktux, hu: “'Äk-tok 'Iyak mõkputox yã 'ãmõkputox xe'e', 'ap nõy xop 'üm

'ãmökputox'ah. Yâ' puknög," kaxîy. ⁸Yîy Topa te 'Amanãm mökputox xohix 'ap putup'ah, pa hãm'ãktux xex 'Amanãm mütik hu: "Ãk-tok 'Iyak mökputox, nõ'ôm 'ãmökputox xe'e', 'ãte xa hãm'ãktux xex hah," kaxîy. ⁹Tu hãm'ãktux xex, hu: "Hãpxip 'ihã' putpuk nün'ax, ha 'ãxetut Xat tek-tok put putup," kaxîy.

¹⁰Ha 'Iyak xetut Hemek, tuk-tok pit 2 pop, ha' tak 'Iyak 'üp-xet, ¹¹⁻¹²pa Topa tek-tok puxet yãyikutnã tap, hak-tok 2 te' tut tex kopa tihî, 'ihã Topa te' tut pu hãm'ãktux, hu: "Ãk-tok hãmãxap te' taknøy pu' hãm putup, tu' taknøy 'ük-nãy tu' nãhã pu' hãm putup," kaxîy. Pa Topa te hãm'ãktux, 'ihãk-tok 2 te' tut tex kopa' tihî, tu hãpxopmã 'ohnãg, pe' mãx, pe' kummuk, pa Topa te' yãyikutnã tap, ¹³yîy Topa yög tappet te: "Ãte Yako putup pax, tu 'Eyao putup nõg," kaxîy.

¹⁴Yümü'ãte putep 'ãktux'ax? 'Ok Topa te hãpxopmã kohe'? 'Ãmhok. ¹⁵Tu Mõnãyoxop Mõyyex pu hãm'ãktux, hu: "Ãtep-tup, nüy tikmũ'ün 'üm kuxa ka', kopxi' kuxa ka'. Yã puxi'," kaxîy. ¹⁶Ûyümmüg. Topa te nõm tikmũ'ün kuxa ka', 'ok pe tikmũ'ün tep-tup, 'ok pep-tup hok, 'ok pe tikmũ'ün te hãpxopmãhã', pe hãpxopmã hok, pãyã Topa te' kuxa ka'. ¹⁷Topa yög tappet te Pana'o hittap 'ãktux, ha Topa te nõm pu hãm'ãktux, hu: "Ãte 'ãxexkanãhã', nüy xa hãmyümmügã', xayîy 'ügmun ka'ok yümmüg, puyîy hãm xexka xohix yög tikmũ'ün tek xuxet'ax yümmüg," kaxîy. ¹⁸Yîy Topa tep-tup, nüy tikmũ'ün kuxa ka', puxi' kuxa ka', tup-tup, nüy tikmũ'ün nõy kuxa mãmmã hok, puxi' mãm 'ohnãg.

Topa te tikmũ'ün kuxa ka', tu hãpkummuk hã' yãnãn kamah

¹⁹Pa tikmũ'ün te: "Ok Topa te hãpkohe mîy, 'ihã tikmũ'ün kummuk 'ãktux? Topa te tikmũ'ün kuxa mãmmã hok, puxix tikmũ'ün kuxa mãm 'ohnãg, Topa mün tep-tup hah," kaxîy. ²⁰Nãy. Yãy pe'ãpaxex xexka hok. 'Ãk-tõgnãg, ha Topa mün xexka xe'ëgnãg. Xate putöy putuk, nõm hã tikmũ'ün te nax mîy. Pax pu putöy te: "Tep tu xãhã nax?" kaxîy. ²¹Nãy. Tikmũ'ün te putöy hã nax mîy, yã hãmyok miy, tu' nax hu' mîy, tu naxtox nunnãp-tup, hu' mîy. 'Ûp-tup, hu' mîy, ha' yãg mãynãg, xix 'ünöy max miãx.

²²Ha kaxîy Topa te hãmyok mîy. Tute' xohix pu' gãy yümmügãp-tup, pu' xohix Topa yã 'üka'ok yümmüg, yîy tikmũ'ün kummuk hã' tot, tu nõm koxyöy'ax. ²³Tu' max xe'ëgnãg, tu yümü'ã hãmmaxnãhã', tu yümü'ã hãmyümmügãhã', 'ü yümmüg Yîy Topa te yümüg kuxa ka', 'ü yümüg yãyhã max xe'ëgnãg kamah, hamün mütik, ²⁴tu yümüg xãnãhã', Yoneo yög tikmũ'ün kopa 'üyãg xãnãhã', xi' puknög xop kopa 'üyãg xãnãhã'. ²⁵Hõmã 'Oyex te Topa pupi hãm'ãktux, tu tappet tu kax'ãmi', hu:

"Ãte' puknög xop putup, yã yõgnü tikmũ'ün,
hõmã 'ãte tu nõm xop putup nõg,
pãyã hõnhã nõm mõ'yãy xe'ëgnãg.

²⁶'Õnte Topa xe'ëgnãg te nõm xop pu hãm'ãktux tap, tu:

'Yã 'ãxop puknög, 'ap yög'ah tikmũ'ün, kaxîy.

Yã 'õnte Topa xe'ëgnãg te yãy yög tikmũ'ün 'ãktux putup,
yã Topa hi xe'ëgnãg," kaxîy.

²⁷Ha 'Iyait kama te Topa pupi ham'äktux, tu: “Yoneo yög tikmũ'ün xohix punethok yã 'ãmot xap xohix punethok putuk, pa 'ätekt-tĩgnãg yĩmögatux, nũy kuxa kummuk xit, nũy kuxa max mō'tat 'ũyãñãn tu'.
²⁸'Ûgnũn mō'ka'ok, tu' hep xop xohix tu pagop-tup, tu' kummugãp-tup 'ũyãñãn tu',” kaxĩy. ²⁹Hômã 'Iyait te Topa pupi hãm'äktux, tu: “Pax pu Topa xe'ëgnãg yũmũg mōkputox xohix kix, puxix yũmũ yög kōmẽn te Xonôm putuk, xix Gômög putuk, yã' hok yũm,” kaxĩy.

'Iyaet yög tikmũ'ün te hãm'äpak max'ax 'äpak

³⁰Yũmũ'ätep tep 'äktux'ax? Nũhũ!: Yã' puknög te Topa xak ohnãg, tu hãpxopmã max hok Topa pu', pa Topa te' kuxa tupmãhã', pu tu kuxa max, 'ükuxa mãm ka'ok tu', ³¹'ihã Yoneo yög tikmũ'ün te Topa yög xat'ax xak, nũy Topa pu' xat'ax hã yãy kuxa tupmã', tu' tupmã hok. ³²Tep tu' tupmã hok? 'Ûkuxa mãm 'ohnãg, tu hãpxopmã punethok, nũy yãyhã 'ũmax, hu' kuxa mãm 'ohnãg Topa kopah. Tu tikmũ'ün putuk, nôm tikmũ'ün te mĩkaxxap xexka yĩmũ hãm tu' nãhã', ha mĩkaxxap yĩmũ' nãhã'. ³³Yã Topa yög tappet te Kunnix 'äktux, 'ihã mĩkaxxap xexka 'äktux, tu:

“Pẽnã! Yĩktix Xiãm tu 'äte mĩkaxxap xexka mō'yũm,
 pu tikmũ'ün hãm tu nã', mĩkaxxap te' kup hã' tak, ha' nãhã',
 ha tikmũ'ün kuxa yũm ka'ok mĩkaxxap kopah,
 puxix tu yãy pu' hũpmã hok,” kaxĩy.

Yã tappet te Kunnix 'äktux, nũy tikmũ'ün kuxa mãm'ax yũmmũgã'.

10 ¹'Ûkxape xop, 'äte' xak, puyĩy yögñũ tikmũ'ün kuxa mãm ka'ok Yeyox Kunnix kopah, ha 'äte Topa tu' xak pax tikmũ'ün pupi', ²tu hãm yũmmũg, ha Topap-xehnãg xak, pa hãm yũmmũg 'ohnãg. ³'Ap kuxa tupmã yũmmũg'ah, tu yãy pe'paxex hã yãy kuxa kummuk tupmãp-tup, pa Topap-xehnãg te tikmũ'ün kuxa tupmãhã', pu tu kuxa max. ⁴Ha Kunnix nũn, nũy mĩpkupnix tu' xok yũmũg pupi', puyĩy tikmũ'ün kuxa mãm ka'ok 'õm kopah, puxix Topa' kuxa tupmã', pu tu kuxa max, yĩy Yoneo xop hitop tu' xat'ax mĩy. Yã' kuxa tupmã hok.

Topa te tikmũ'ün xohix kuxa kummuk xit'ax

⁵Mõnãyxop hittap Mõyyex te' xat'ax 'äktux, hu: “Tikmũ'ün yĩpkox pip 'ũxat'ax pu', puxi' xat'ax nôm hĩnnãp-tup,” kaxĩy. Ha kaxĩy 'ũxat'ax te tikmũ'ün kuxa tupmãhã Topa pu', 'ihã tikmũ'ün te nôm pu' yĩpkox pip, ha Mõyyex te tu' xuktux. ⁶Pa Topa yög tappet te hãm'äktux nõy yã kamah, tu Topa te tikmũ'ün kuxa tupmã 'äktux, tu Topa te' kuxa mãm ka'ok xop kuxa tupmã 'äktux, hu: “'Ûyĩpkopit hok, hu: “'Û 'ũm te pexkox tu' mōg putup, nũy yũmũg kuxa kummuk tupmã?” ” kaxĩy. Tu Kunnix nũ'kutnã'ax 'äktux, yã' nũn tap, nũy yũmũg kuxa tupmã'. ⁷Tu xe' yĩkopit, hu: “'Û 'ũm te xakix xop pet ha' mōg putup, nũy yũmũg kuxa tupmã'?” kaxĩy. Yã Topa te Kunnix putpu' hĩnnã tap 'äktux. ⁸Tu xe hãm'äktux, hu: “Topa te hãm'äktux, tu hãm'äktux 'ũm mō'kutnãhã xa', ha 'ãxop te hãm'äpak, tu xe' xuktux, yã 'äkuxa kopa' xip,” kaxĩy. Hak mũ'äte Topa yög hãm'äktux'ax xa' xuktux, xayĩy

'ākuxa yūm ka'ok Topa kopah. ⁹Ok xatep-tup, pu Topa 'ākuxa kummuk xit, nūy kuxa max mō'tat 'ūyānān tu'? Xatep-tup, 'āpu 'ānōy pu hām'āktux, hu: Yeyox mūn yāk xuxyā! Kaxīy. Tu 'ākuxa yūm ka'ok Yeyox Kunnix kopah, Topa te' putpu hīnnāhā hah. Xate hāpxopmā kaxīy, puxix Topa 'ākuxa kummuk xit, nūy kuxa max tat 'ūyānān tu!. ¹⁰Yūmūg kuxa mām ka'ok, ha Topa te yūmūg kuxa tupmā!, pu tu kuxa max, yūmū'āte' yīkox hā xuktux, puxix Topa yūmūg kuxa kummuk xit. ¹¹Topa yōg tappet te: "Tikmū'ūn kuxa yūm ka'ok nōm kopah, puxix tu yāy pu hupmā hok," kaxīy. ¹²Ha' hep xop xohix pu hāmmaxnāhā!, nōm xop kuxa mām ka'ok Topa kopah, tu Topa pu yāy putuk, Yoneo yōg tikmū'ūn xi' puknōg xop. Topa yā yūmūg xuxyā!, tu hāmmaxnāhā 'ūhep xop xohix pu!, nōm xop te Topa tu' xak, pu hāmmaxnā!. ¹³Topa yōg tappet te xe: "Topa te' hep xop xohix kuxa kummuk xit putup, nūy kuxa max yānān tu' tat, nōm xop te Topa tu' xak, pu' xit," kaxīy.

¹⁴Pa' hep xop punethok te ta tu' xak hok, 'ūkuxa mām 'ohnāg tu!, hu hām'āpak 'ohnāg. Tu hām'āpak hok, tikmū'ūn te hām'āktux 'ohnāg hah. ¹⁵Tu hām'āktux hok, tikmū'ūn te mō'kutnā 'ohnāg hah. Topa yōg tappet te: "Yā' max tikmū'ūn nū!, nūy hām'āpak'ax max 'āktux," kaxīy.

¹⁶A' xohix tep-tup'ah. Hōmā mōnāyxop hittap 'Iyait te Topa pupi hām'āktux, tu kax'āmi!, tu: "Topah, pi'yā' yīpkox 'ūm pip 'ūgmū'āte hām'āktux?" kaxīy. ¹⁷Yīy tikmū'ūn te Kunnix 'āktux'ax 'āpak hāmāxap, tuk-nāy tu' kuxa yūm ka'ok nōm hām'āktux'ax kopah.

¹⁸Pa 'āte xe' yīkopit, hu: 'Ok tikmū'ūn te hām'āpak hok? HamŪn. Yā' xupak. Topa yōg tappet te:

"Tikmū'ūn xohix te' yīy'ax 'āpak,
yā hām xexka xohix yōg tikmū'ūn te nōm hām'āktux'ax 'āpak."

Kaxīy.

¹⁹Hak yīkopit, hu: "Ok Yoneo yōg tikmū'ūn te hām 'ūm yūmmūg hok?" kaxīy. Yā' yūmmūg. Pa hōmā mōnāyxop hittap Mōyyex te Topa yōg hām'āktux kax'āmi!, tu:

"Āte 'āyīpkumīygāp-tup, 'ūpuknōg xop hā 'āyīpkumīygāp-tup,
'ūpuknōg xop yā! hep puxet 'ohnāg, pāyā 'āte 'āyīpkumīygā-tup,
'ihā puknōg xop yāyhā yōgnū tikmū'ūn.
'Āte 'āgāyāp-tup nōm puknōg xop hah,
nōm puknōg xop pa te hāmyūmmūg 'ohnāg hā
'āte 'āgāyāp-tup," kaxīy.

²⁰Ha mōnāyxop hittap 'Iyait kuxānōg 'ohnāg, tu Topa pupi hām'āktux tikmū'ūn pu!, tu:

"Nōm xop tek 'ūm xak hok, pak xipih!, " kaxīy.

²¹Tu Yoneo xop 'āktux, hu:

"Āte tikmū'ūn xānāhā!, mō'yāy xe'ēgnāg tu!,
pāyā' yīpkox 'ohnāg, xix hām'āpak 'ohnāg," kaxīy.

Topa te 'Iyaet yôg tikmũ'ün kuxa ka'

11 ¹Áte xe' yĩkopit, hu: 'Ok Topa tep-tup hok yāy yôg tikmũ'ün? 'Ûp-tup! 'Ûgmũn kama nôm Yoneo tikmũ'ün yôg. 'Ûgmũn 'Iyaet yôg tihik, yāk mũn mōnāyxop 'Amanām mōkputox, xix Meyamĩy yôg xop kopak xip. ²Topa te Yoneo tikmũ'ün putup hok'ah, tu nôm yĩmôgatux tap. Hōmā mōnāyxop hittap 'Enit te 'Iyaet yôg tikmũ'ün 'āktux kummuk Topa pu', ³tu: "Topah, tikmũ'ün te 'ôg tik xop kix, nôm xop te 'āmũn pupi hām'āktux, ha 'ôg mĩmpe koxyôy, tu mĩmpe hāpxop mō'hap'ax Topa pu' koxyôy, hak mũn puxehnāg xip, hak putex putup kama nōmhā," kaxiy. ⁴Ha Topa te' yānān tu hām'āktux, hu: "Áte tik max xop xohix te 700 yĩmôgatux, ha topa komut Mat pu nũktettex 'ohnāg," kaxiy. ⁵Yā hōnhā kaxiy kamah. Topa te tikmũ'ün kutôgnāg xop yĩmôgatux, tu nôm xop ha hāmmaxnāhā', tu' kuxa ka', ⁶tu' yĩmôgatux 'ũkuxa ka tu'. Pax pu Topa hāpxopmā max hā' yĩmôgātux, puxix tu tikmũ'ün kuxa ka hitop tu', pāyā Topa te' hok hā hāmmaxnāhā'.

⁷Yiy Yoneo xop te' xak, puyiy 'ũxat'ax hā' kuxa tupmā Topa pu', pāyā' hitop tu' xak. Ha tikmũ'ün kutôgnag Topa te yĩmôgatux, nũy 'ũkuxa tupmā yāymũn pu', ha Yoneo nōy xop xexka te Topa pu' yĩpkox 'ohnāg.

⁸Topa yôg tappet te: "Topa te nôm xop putox ka'ogāhā', yā hōnhā hāmyũmmũg 'ohnāg," kaxiy. ⁹Ha Mōnāyxop Namix te:

"Pūyā Topa 'üyôg hāpxopmā'ax kummuk hā' pago.

Pūyā yāy yôg kummũk'ax hā' kummuk xop mũg ka'ok.

¹⁰Pūyā' pēnā hok, xix hāpxop xak'ax tu' hittupmā hok," kaxiy.

¹¹'Áte xe' yĩkopit. Yoneo yôg tikmũ'ün te Kunnix putup nôg, yiy Topa te nôm pu hāpkummugāhā'. 'Ok Topa tep-tup hok? Yāp-tup! Pāyā Topa te' hip, pu tu' puknôg xop yĩpkox pi', puyiy Yoneo yôg tikmũ'ün yĩpkumiy puknôg xop hā, nũy tu' yĩpkox pi kamah Topa pu'. ¹²Yoneo yôg tikmũ'ün te hāpxopmā kummuk, yiy Topa te' hep xop xohix ha hāmmaxnāhā', tu hāmmaxnāp-tup xexka', 'ihā Yoneo yôg tikmũ'ün kama' yĩpkox pip, 'ihā Yoneo yôg tikmũ'ün punethok yĩpkox pip hām'āpak max ta tu'. Yā Topa te' xohix te xiy mō'kupix, pu yĩpkox pi'.

Topa te Yoneo xop hā' puknôg xop kuxa kummuk xit'ax

¹³'Áte' puknôg xop pu hām'āktux nōmhā. Topa te mōgkutnāhā' puknôg xop hah, pu hām'āpak max'ax 'āktux, hak kuxa hittup. ¹⁴Pūyā Yoneo yôg tikmũ'ün 'ũpuknôg xop pēnā', nũy kuxa mām ka'ok yũmmũg, hu' yĩpkumiy, yā 'áte' xak, pu' yĩpkumiy, pu Topa 'ũkuxa kummuk xit, nũy kuxa max yānān tu mō'tat. ¹⁵'Ûpuknôg xop yāyhā Topa hā' xape', 'ihā Topa te Yoneo xop putup nôg, tu Yoneo yôg tikmũ'ün xohix putup 'ũxeheh, puxix Topa' xaxix xop putpu' hĩnnā'.

¹⁶Tikmũ'ün te pām koxip, nũy Topa pu 'ôm yāg hōm, puxix pām xohix Topa yôg. Tikmũ'ün te yĩpxatit hōm Topa pu', puxix mĩm xexka kup kama Topa yôg,

xix mĩmmãg kamah. Yã mõnãyxop hittap te mĩm yĩpxatit putuk, ha mĩmmãg te hõnhã yõg Yoneo xop putuk. ¹⁷Mĩm xexka kup 'Onimet, tu hãmpak'ax xuka' yũm, ha' mĩmmãg 'um xak, ha 'Onimet kup puknõg tu mĩmmãg xut, 'ũkup te hãmphipak tu' yũm ha' xut, ha' mĩmmãg xut, nũy kup nõy putox tu' hĩy, pu tu tox, mĩmmãg nõy putuk. 'Ãxop puknõg xop te 'Onimet puknõg putuk, Topa te xa hãmmaxnãhã', tu xa hãmmaxnãhã Yoneo xop putuk. ¹⁸Yĩy Yoneo xop yãk-tõgnãg pe'ãpaxeh hok: 'A 'ãxop te yĩpxatit putuk'ah. 'Ãmhok. Pãyã 'ãxop te mĩmmãg putuk, yã mĩmmãg te' yĩpxatit tu' tup.

¹⁹Pa 'ãxop te: "Tikmũ'ũn te mĩmmãg xe'e' xut, nũy nõ puknõg hĩy 'ũp-tox tu', pu tu tox. Ha kaxĩy Topa te yãy yõg Yoneo xop mõy, nũy 'ũgmũg nõy hã' yãnãn, puk mũg yã yãy yõg tikmũ'ũn, mõ 'ũgmũg yãy xe'ẽgnãg tu!," kaxĩy. ²⁰Hamũn. Hãpxip kutõgnãg 'ihã Topa tep-tup nõg, 'ũkuxa mãm 'ohnãg hah, ha 'ãkuxa mãm ka'ok, yĩy Topa te 'ãp-tup pax, pa yãy pe'ãpaxeh xexka hok. 'Ãkuxãnõg, ka 'ãkuxa mãm kux. ²¹Hõnhã Topa te yãy yõg Yoneo xop putup nõg. 'Ãkuxa te Topa nĩm, puxix Topa kamah 'ãp-tup nõg. ²²Topa te hãmyok mĩy, tu tikmũ'ũn kuxa ka kamah. Tu hãmyok mĩy 'ihã tikmũ'ũn kummuk xũyghãhã', tu' yãnãn tu' kummughãhã, tu 'ãkuxa ka', 'ãyĩpkox pĩp hah. 'Ãyĩpkox hok, puxix Topa 'ãmõy kamah. ²³Yoneo yõg tikmũ'ũn te yãy putat kummuk nĩm, nũy kuxa mãm ka'ok Kunnix kopah, puxix Topa' putpu' kuxa mãmã, yãy yõg xip'ax tu'. Ha tikmũ'ũn te mĩmmãg xe'e' hĩy putpu', puyĩy xip ka'ok. Kaxĩy Topa te Yoneo xop mãmã'ax 'ũxeheh. ²⁴'Ãxop puknõg, tu 'Onimet mĩmmãg putuk. Tikmũ'ũn te mĩmmãg xut, nũy kup xe'e' tu' hĩy, pu tu' kup xe'e' hã' mĩmmãg. Yoneo yõg tikmũ'ũn te 'Onimet kup xe'e' putuk, ha Topa te yã yãg putup nõg, tu' xep-tup'ax kamah, puyĩy yãy mũn hã tikmũ'ũn xe'e' 'ũxeheh.

Yã Topa mũn max xe'ẽgnãg

²⁵'ũkxape xop, 'ũg'ãpax: Hõnhã Yoneo yõg tikmũ'ũn yĩpkox 'ohnãg, pa hãptup nõy xohix 'ihã' yĩpkox pĩp putup, 'ihã' puknõg xop xohix punethok te Topa yõg putat hã' mõg, ha Topa te' xohix te xĩy mõ'kupix, pu mõg. 'Ãte xa hãm'ãktux'ax 'ãktux, xayĩy yãy yõg hãmyũmmũg pe'ãpaxeh hok. Ha Topa te hãm'ãktux xe'e', nũy yãy yõg tikmũ'ũn pu hãmyũmmũgã'. ²⁶Tu Yoneo yõg tikmũ'ũn xohix mõy putup, hãpkummughã'ax tu' mõy putup, yĩy Topa yõg tappet te:

"Tik te yĩktix Xiãm tu' xip,
tu' nũn putup, nũy tikmũ'ũn kuxa kummuk xit,
nũy Mõnãyxop Yako mõkputox
kuxa kummuk xit.

²⁷'Ãte hãmpa'ax mĩy putup tikmũ'ũn mũtik,
'ihã 'ãte' kuxa kummuk xit,
tu' kuxa max yãnãn tu' tat," kaxĩy.

²⁸Yoneo xop te Topa hã' puknõg, hãm'ãpak maxp-tup nõg tu', ha kaxĩy 'ãxop yã Yoneo xop'ah, nũy Topa hã 'ãxape', pa Topa te Yoneo xop yĩmõgatux tap, mõnãyxop hittap ha' yĩmõgatux, tu hãm'ãktux xex, hu: "Ãte 'ãmõkputox hãk

xape mōg kumak mōg, tuk kux 'ohnāg,” kaxīy. ²⁹Topa te Yoneo yōg tikmū'ūn yīmōgatux, tu mō'yāy xe'ēgnāg, ha' hupmā 'ohnāg, yā Topa te' kuxyā 'ohnāg, tu nōm hā hāmmaxnāp-tup. ³⁰Hōmā 'āxop puknōg, 'ap Yoneo xop'ah, 'āyīpkox 'ohnāg Topa pu', ha Topa te 'ākuxa ka', Yoneo xop yīpkox 'ohnāg ha 'ākuxa ka'. ³¹Yā Topa te 'ākuxa ka', ha Yoneo xop yīpkox 'ohnāg nōmhā, pu Topa kama nōm xop kuxa ka'. ³²Yā' hep xop xohix yīpkox 'ohnāg Topa pu', yīy Topa te' hīy, yāy yōg hāpxopmā'ax ha' hīy, ha Topa te' xohix kuxa ka', pu' xohix tu' mūg.

Pūyā Topa max xe'ēgnāg 'āktux

³³Topa te yā xohix ha hāmmaxnā xe'ēgnāg, pexkox yōg hāpxop xexka xe'ēgnāg hā, ha hāmyūmmūg xe'ēgnāg. 'A tikmū'ūn te Topa yōg hāpxopmā'ax xohix yūmmūg'ah, nūy tu nōy pu' yūmmūgā'. 'Āmhok. ³⁴Yīy Topa yōg tappet te:

“Tikmū'ūn 'ūm te Topa yōg hāmpē'paxex yūmmūg'ah,

tu Topa pu hāmyūmmūgā 'ohnāg,

³⁵tu Topa pu hāpxop hōm 'ohnāg kamah, pu tu ta nemēn,

nūy yānān tu' pago. 'Āmhok.” Kaxīy.

³⁶Yā Topa-xet te hāpxop xohix mīy, tu hāpxop xohix hinnāhā', tu yāymūn pu' mīy, xix yāy pu hinnāhā'. Yā Topa mūn xexka xe'ēgnāg. Pūyā tikmū'ūn te nōm xexka 'āktux mō kuma' mōg! Hamūn!

'Āpu yūmū'āte Topa tu hāpxopmā'

12 ¹Yīy 'āte xak xape xop xapit, xayīy Topap-xehnāg pu yāymūn hōm, tikmū'ūn te hāpxop hok hōm putuk. Yā 'āxop te ta nemēn, Topa te 'ākuxa ka hah, xayīy nōm puxehnāg pu 'āyīpkox pi'. Yā Topa tep-tup pax. Hamūn. Yā kaxīy 'āxop te Topa pu nū'āktettex xe'e! ²Hām xexka tu' pip tikmū'ūn yā Topa hā' puknōg, yīy nōm pu 'īpkox hok, nūy yōg hāpxopmā'ax tat hok. Pa Topa te 'āp-tox maxnā'ax, xayīy Topa yōg putup'ax yūmmūg, nūy hāpxopmā max. Topa te nōm putup, yīy 'ā māynāg mīy Topa tu'.

³Topa tek mūn ha hāmmaxnāhā', tuk ka'ogāhā', yīy xa hām'āktux, hu: 'Āmpē'āpaxeh max, nūy yāy yōg hāpxopmā'ax kopit max. Topa te 'ākuxa māmā ka'ok, xayīy 'āxop xohix hāpxopmā max, Topa te yā 'āxat hah. ⁴Tikmū'ūn yīn puxet, tu' kup punethok, xix hāpxop te yīn kopa' pip punethok, xi' mīy'ax punethok. ⁵Kaxīy yūmūg xohix punethok, pāyā yūmūg kuxap-xet Kunnix kuxa mūtik, yāk puxet, yā 'āyīn putuk. ⁶Topa te yūmūg xohix ka'ogāhā', tu' hok hā ka'ogāhā', nūy hāpxopmā', tu' hok hā yāy yūmūg ka'ogāhā'. Tu tikmū'ūn puxet ka'ogāhā', pu Topa pupi hām'āktux. Pūyā nōm tikmū'ūn hām'āktux, Topa te' kuxa māmā ka'ok hah. ⁷Xix tikmū'ūn nōy ka'ogāhā', pu' nōy hā tu tehet. Pūyā nōm tikmū'ūn hā tu' tehet. Xix tikmū'ūn nōy ka'ogāhā', pu hāmyūmmūgā'. Pūyā hāmyūmmūgā'. ⁸Xix tikmū'ūn nōy ka'ogāhā', pu tu' xape xop mō'nīynām, nūy ka'ogā'. Pūyā mō'nīynām. Xi' nōy ka'ogāhā', pu hāpxop hok popmā'. Pūyā' popmā', nūy tu' xupkumīy hok. Xi' nōy ka'ogāhā' pu tu' xat. Pūyā tu' xat max. Xi' nōy ka'ogāhā', pu tu' nōy kuxa ka', nūy tu hittupmā'. Pūyā tu hittup, 'ūnōy kuxa ka 'īhā'.

⁹Āxape hã mō'āmã hok, pa nôm putup pax xe'e!. Hãpkummuk'ax putup hok, nũy tu hãmmax xax, nũy hãpxopmã max mō kuma' mōg. ¹⁰Āxop xohix Kunnix hã 'ãxape', yĩy 'ãxop xohix hã yãy xape!. Āpu, yãy putup pax, nũy 'ãnõy pe'ãpaxeh xexkanã xip. ¹¹Hãpxopmã max, tu tuknõg hok, nũy Topa pu hãpxopmã, 'ãkuxa hittup tu!. ¹²Ākuxa hittup 'ihã Yeyox Kunnix nũn'ax hã' hip, tu hãpxopmã ka'ok hã' tot, nũy hãmmax hip, xix Topa pu hãm'ãktux mō kuma mōg, yã' kux hok. ¹³Āxupkumĩy hok, tu 'ãxape hok xop pu hãpxop hõm, xi' puknõg xop xãnã', pu 'ãpet kopa' mõy mõ'xip.

¹⁴Topa tu' xax, pu hãmmaxnã tikmũ'ũn kummuk hah, nũy nõm xop te 'ãkummugã xop ha hãmmaxnã', ha Topa tu' xax hok, puyĩy nõm pu hãpkummugã 'ũyãnãn tu!. Āmhok. ¹⁵Tikmũ'ũn potaha', 'ãpu nũ yõkãmũ poho kamah. Tikmũ'ũn hittup, 'ãpu nũ mütik 'ãhittup kamah. ¹⁶Ānõy mütik 'ãti max, ha yãy tukmĩy hok. Yãy pe'ãpaxeh xexka hok, pa' nõy te 'ãxat'ax pu 'ãyĩpkox pi', nũy nõm pu 'ãhãm max. Yãy pe 'ãpaxeh hok, hu: Yã puxehnãg 'ãte hãmyũmmũg. Kaxiy.

¹⁷Tikmũ'ũn te xa hãpkummugã', 'ãpu, 'ãyãnãn tu hãpkummugã hok. Āpu, hãpxopmã max, puyĩ' xohix yũmmũg, tu: "Hãpxopmã max 'õhõm," kaxiy, nũy xa hãm'ãktux max. ¹⁸Ūxax, nũy tikmũ'ũn xohix mütik yãykix ta tu yãytukmĩy 'ohnãg, nũy 'ãxohix kuxa mãmãmã!. ¹⁹Tikmũ'ũn te xa hãpkummugã', 'ãpu 'ũyãnãn tu' kummugã hok. Āmhok. Pũyã Topa' kummugã', ha Topa yõg tappet te Topa yõg hãm'ãktux 'ãktux, tu: "Ūgmũn yã Topah, tu hãpkummugãp-tup 'ũyãnãn tu', nũy tu pago," kaxiy. ²⁰Ha Topa yõg tappet te xa hãmyũmmũgãhã', hu: "Tikmũ'ũn te xa tu' gãy, tup-tup xũy, 'ãpu, tu' hõm hãpxop, puyĩ' mã'. Ūgãy xop te kõnãg tat xak, 'ãpu, kõnãg tat, nũy hõm, puyĩ' xo'op. Kaxiy xate' gãy xop kuxyãhã', pu yãyhãhup xexka', yã' payĩn pukpex," kaxiy. ²¹Tux hok, xa hãpkummuk mĩy hok, pa hãpxopmã max, xayiy hãmmax mĩy.

Gohet yõg tik xop pu 'ãyĩpkox pi'

13 ¹Pũyã' xohix gohet pu yĩpkox pi', nũy tik xop te tikmũ'un xat'ax pu yĩpkox pi!. Yã Topa te' tux hok pu tu tikmũ'ũn xat. ²Tikmũ'ũn te gohet xop pu' yĩpkox hok, puxix Topa pu' yĩpkox hok kamah, ha Topa te nõm tikmũ'ũn yõg hãpxopmã'ax kummuk kopit, tu' xũygãp-tup, pu tu pago. ³Tikmũ'ũn te hãpxopmã max, puxix gohet yĩpkutuk hok, ha tikmũ'ũn te hãpxopmã kummuk, puxi' yĩpkutuk. Xatep-tup nũy 'ãkuxãnõg hok, 'ãpu hãpxopmã max, puyiy tik te 'ãxat'ax 'ãmãx 'ãktux. ⁴Õhõm te Topa pu' hãm, nũy xa hãmmaxnã'. Xate hãpkummuk mĩy, 'ãpu 'ãxat'ax yĩpkutuk, tute 'ãxũygã'ax, xa tu pago. Topa te' xat'ax xop xat, pu' yãnãn tu tikmũ'ũn kummuk pu hãpkummugã'. ⁵Yiy 'ãxat'ax xop pu 'ãyĩpkox pi', Topa te 'ãxat hah, 'ãkuxa te 'ãxat hãmãxap, ha 'ãxũygã hok kamah.

⁶Õg tayũmak hã pago kama gohet pu', gohet te nõm tayũmak xak hah. Yã' xat'ax xop te Topa pu hãpxopmãhã', 'ihã 'ãxat. ⁷Hu pago tayũmak hã xate ta nemen, xix' xat'ax xop pe'ãpaxex xexka kama xate ta nemẽn.

'Ānōy ha hāmmāxnā'

⁸Tikmū'ūn pu ta nemēn hok, pap-tup pax xexka'. Tikmū'ūn te Topa yōg xat'ax māynāg mīy, 'ihā' nōy putup pax. ⁹'Ūxat'ax te: "Ānōy hā xupxet hok," kaxīy, xix: "Ūp-tex hok," kaxīy, xix: "Hāpxop hā xupxet hok," kaxīy, xix: "Ānōy yīpkumīy hok," kaxīy. Yā' xat'ax xohix te yūmū'ā hāmyūmmūgāhā, ha hāmyūmmūg'ax puxet, hu: 'Ānōy putup pax, yā yāy mūn putup pax putuk. Kaxīy. ¹⁰Tikmū'ūn te' nōy putup pax, puxi' nōy pu hāpkummugā 'ohnāg, yīy tikmū'ūn te' xat'ax pu' yīpkox pip, 'ihā' nōy putup pax xe'e'. ¹¹'Āpu, 'ānōy putup pax. Yā hāptup xe'e mō'nā'ax, puxix Kunnix nū', nūy yāy yōg tikmū'ūn yāy tu nū'xok, 'ākuxa tuknōg hok, nūy tikmū'ūn mō'yōn putuk hok. Yā hōmā yūmūg kuxa mām ka'ok Yeyox kopah, ¹²pa yā hāptūmnāg, ha hāptup te hāpkanet hā mō'nā'ax, ha kaxīy yūmūg xuxyā xupep putup. 'Āpu, yūmū'āte hāpkummuk mīy kux, nūy 'āmnīy koxtap kopa yōg hāpxopmā'ax kuxyā, nūy hāpkummuk mūtik yāy tuk-mīy māyōn xupep 'ihā'. ¹³Yīy hāmyok mīy nōmhā, yāy xaptop hok. Hāpkute'ex kummuk hok, xix kenmuk xo'op hok, nūy 'āpaptux hok, xix 'ūpēnā pax hok, xayīy hāpkummuk mīy hok, xix 'ānōy hā xupxet hok, xix hāmpē'āpaxeh kummuk hok, xix yāykix hok, xix 'āyīpkumīy hok. ¹⁴Yā yūmūg xuxyā Yeyox Kunnix te 'āpupi' xip, nūy 'āxeh, yī' tux hok pu xeh, ha yāy pu 'īpkox pip hok, nūy yāy yōg putup'ax mīy hok, ka hāpkummuk mīy.

'Ānōy yōg hāpxopmā'ax kopit hok

14 ¹'Āxop kopa' pip tikmū'ūn kuxa mām pu'uk, 'āpu nōm putup pax, pa hām'āktux hā' nōy yānān hok, 'ūyōg hāmpē'paxex hā yāy tuk-mīy hok. ²Tikmū'ūn kuxa yūm ka'ok, puxi' xit'ax xohix māhā', pa tikmū'ūn kuxa yūm pu'uk te xogyīn mā 'ohnāg. ³Tikmū'ūn yāg te hāpxop xohix māhā'. Pūyā' nōy mūn putup, nōm te xogyīn ma hok, nūy nōm pe'paxeh kutōgnāg hok. Tikmū'ūn yāg te xogyīn mā 'ohnāg. Puyā' nōy putup, nōm te hāpxop xohix māhā', pu nōm pe'paxex kutōgnāg hok. Topa te nōm putup pax, yā' puxi'. ⁴'Ok yāy pe'āpaxex xexka', nūy 'ānōy yōg kāmānat yōg hāpxopmā'ax kopit? Yūmūg xuxyā te' kopit putup, nūy hāmyūmmūg, 'ok pe kāmānat hām max, pe' hām kummuk. Yā' hām maxp-tup. Topa te' ka'ogā'ax, puyīy hāpxopmā max.

⁵Tikmū'ūn yāg te hāptup tuknōg putup, 'ihā' nōy te 'āmnīy xohip-tup, ha 'āmnīy xohix te yāy putuk hamūn pu'. Pūyā tikmū'ūn kuxa xohix mām ka'ok, nūy hāmyūmmūg, nūy yāy yōg hāpxopmā'ax yūmmūg, 'ok pe' max, 'ok pe' kummuk. ⁶Tikmū'ūn te hāptup tuknōg putup, puxix mōy Topa xexka 'āktux, 'ihā nōm hāptup putup, ha tikmū'ūn te hāpxop xohix mā', puxix Topa xexka 'āktux, 'ihā hāpxopmāhā', hu: "Āmax Topah, tu hāpxop xohix 'ā' hōm, nūy 'ūkxīnnā'," kaxīy. Ha tikmū'ūn te xogyīn mā hok, puxix tu Topa xexka 'āktux 'ihā' mā hok, tu: 'Āmax Topah, xa hām yōg hāpxop punethok 'ā' hōm, nūy 'ūkxīnnā'," kaxīy. ⁷Tikmū'ūn puxehnāg hā 'ap hi'ah, tup-xehnāg hā 'ap xok'ah, pāyā Topa te yūmūg xat, 'ok pe yūmūg hi', pe yūmūg xakix. ⁸Yūmūg hi, kopix Topa tu yūmūg hi'. Yūmūg xakix,

kopxix Topa tu yũmũg xakix. Yã kaxĩy, pe yũmũg hi!, pe yũmũg xakix, kopxix Topa yõg yũmũ'ã!. ⁹Kunnix xok, tu putpu' hi!, nũy tu yãyhã nõm hi xop yãy xuxyã!, xi' xakix xop yãy xuxyã kamah. ¹⁰Xix 'ãmũn, tep tu xate 'ãxape yõg hãpxopmã'ax kopit, nũy hãpxopmã'ax 'ãktux kummuk? 'Ãnõy 'ãktux kummuk hok. Yũmũg xohix te Topa keppak pip putup, pu yũmũg yõg hãpxopmã'ax xohix kopit, nũy hãmyũmmũg, 'ok pe yũmũ'ãte hãpxopmã max, pe hãpxopmã kummuk. ¹¹Yiy Topa yõg tappet te Topa yõg hãm'ãktux 'ãktux. Ha Topa te:

“'Ãte xa hãpxe'e 'ãktux, tu xa hãm'ãktux xex:

Yãk hi mőkumak mõg,

yiy 'ũhep xohix xop tek keppa nũktettex putup, nũy tu kuxa' yey, tutek mũn ha Topa xe'ẽgnãg 'ãktux putup,” kaxiy.

¹²Yiy yũmũg xohix te Topa keppak pip putup, nũy yãy yõg hãpxopmã'ax 'ãktux.

'Ãnõy kummugã hok

¹³'Ãxape kummuk 'ãktux hok. 'Ãmhok, hãpxopmã hok, nũy 'ãnõy pu hãpkummugã hok, puyiy hãpkummuk miy hok. ¹⁴'Ugkuxap-xet yũmũg xuxyã kuxa mütik, hu 'ãte hãmyũmmũg, ha hãpxop xit'ax xohix max, 'ũyĩ' mã!, pa tikmũ'ũn yãg te: “Nõm te xokxop mã hok xop. Yã' kummuk tikmũ'ũn te' mã!,” kaxiy, puxix nõm xit'ax yã nõm tikmũ'ũn hã 'ũmã hok. ¹⁵Xate nõm hãpxop mã!, hu ta 'ãxape kuxa hittupmã hok, tu' kummugãhã!, hu nõm putup nõg. 'Ãxit'ax hã 'ãxape pu hãpkummugã hok, ka tute Topa yõg putat xak. 'Ok yũmmũg xate'? Yã Kunnix te 'ãxape pupi' xok, nũy nõ hãmmaxnã!, pa xate' kummugãhã 'ãxit'ax hã. 'Ãpu 'ãnõy kuxa putex hok! ¹⁶Xate hãpxopmãhã!, tu hãmpel'apaxex, hu: “Yã 'ãte hãpxopmã max,” kaxiy. Yã' max, pa 'ãxape mütik hãm'ãktux hok, nũy nõy yãnãn hok. Yã 'ãxape te hãmpel'apaxex nõy. 'Ãyiy hok, xayiy 'ãxape gãyã hok, ka 'ãxape 'õg hãpxopmã'ax kopit kummuk. ¹⁷Topa te yãy yõg tikmũ'ũn xat, tu tikmũ'ũn kuxa tu' xat, tu putep mũn mã'ax 'ap xat'ah, xix putep xo'op'ax 'ap xat'ah. 'Ãmhok. Topa te tikmũ'ũn xat, pu max, tu' xat, pu tu kuxa yũm ka'ok, tu' xat, pu tu kuxa hittup xexka!, ha Topa Koxuk te' kuxa hittupmã'ax, tu hãpxopmã'ax max hã! kuxa yũmmã'ax. ¹⁸Ha tikmũ'ũn te Kunnix pu hãpxopmã kaxiy, puxix Topa nõm 'ũmax 'ãktux, ha tikmũ'ũn xohix te nõm 'ũmax 'ãktux kamah.

¹⁹'Ãpu yũmũ'ãte hãxopmã maxnã!, nũy kuxa yũmmã!, nũy yũmũg xape ka'ogã!. ²⁰Pa nũy ta nõy kummugã hok. 'Ãxit'ax hã 'ãnõy kummugã hok. 'Ãmhok. 'Õg pa 'ãti!! 'Ãnõy yã Topa yõg, ha Topa te nõm putup pax, 'ũyõg hah, ha' kummugã hok, nũy 'ãxit max. ²¹Topa tep-tup tikmũ'ũn te xogyĩn mã hok, xix ta hep xupyãg xo'op hok, ka' nõy hã hãpkummugãhã!. ²²Xate hãpxopmãhã!, tu' max pe'apaxex, 'ãkuxa yũm ka'ok, hu 'ãxit, xi' xo'op, ha xate' yũmmũg, xix Topa te' yũmmũg. Puxi!. Tikmũ'ũn kuxa yũm ka'ok yãy yõg hãpxopmã'ax kopah, puxix tu kuxa hittup xexka!, ha' kuxa te yã mũn tu: Yã' max. 'Ãte hãpxopmã max hõnhã,” kaxiy. ²³Pa tikmũ'ũn kuxa yũm pu'uk, tu yãy mũn yĩkopit, 'ok pe' max, 'ok pe' kummuk, 'ũ hãpxop 'ũm mã!, puxix Topa' tux hok pu' mã hok, 'ũkuxa yũm 'ohnãg hah. Tikmũ'ũn

kuxa yũm pu'uk, 'ihã hãpxopmã', puxix hãpkummuk mĩy, 'ũkuxa yũm pu'uk tu'.

'Āpu, 'ānōy yōg putup'ax mĩy

15 ¹Topa tek xat, 'ũyĩy yũmũg xape xop mō'nĩynām, nōm xop kuxa mām pu'uk mō'nĩynām, nũy nō ka'ogã', nũy yũmũg yã yōg putup'ax mĩy hok. ²'Ānōy yōg putup'ax mĩy, nũy nōm ha hãmmaxnã', pu tu kuxa yũm ka'ok Yeyox kopah. ³Kunnix te yã yōg putup'ax mĩy 'ohnãg, yĩy Topa yōg tappet te Kunnix 'ãktux, tu hãm'ãktux, hu: "Tikmũ'ũn te 'ãkummuk 'ãktux, puxik mũn kummuk 'ãktux kamah," kaxĩy. ⁴Hômã tik xop hittap te Topa pupi hãm'ãktux, tu tappet tu kax'ãmi', ha mō'yũmũg nĩynām, 'ũyĩy nōã'tot, ha Topa yōg tappet te yũmũg ka'ogãhã', 'ũ Kunnix putpu nũn'ax hip. ⁵Topa te 'ãka'ogãhã', xix xa hã' totnãhã'. Pũyã Topa 'ãxop kuxa puxetnã', xix 'ãp-tox puxetnã kamah, xayĩy Yeyox Kunnix yōg hãpxopmã'ax tat, ⁶nũy Topa yũmũg Tak max 'ãktux, nũy 'ãyĩy'ax puxet hã Topa max 'ãktux, yã 'õhõm yũmũg xuxyã Yeyox Kunnix hã 'Ātak.

Yã hãm'ãpak max 'ãktux Yoneo xop hã' puknõg xop pu'

⁷'Āpu, 'ãxape putup, yã kaxĩy Kunnix te 'ãp-tup, tu mō'ãyãy xe'ëgnãg. 'Āxape putup pax, pu tikmũ'ũn te: "Topa mũn max xe'ëgnãg!" kaxĩy. ⁸'Āte xa hãpxe'e 'ãktux: Kunnix te Yoneo xop tu hãpxopmãhã', tu nōm xop ha hãmmaxnãhã', pu nōm xop yũmmũg, tu Topa te hãmyok mĩy yũmmũg. Yã Topa te' yōg hãm'ãktux xex, tu mōnãyxop hittap pu' xex, tu' xaxok 'ohnãg, tu mãynãg mĩy. ⁹Ha Kunnix te hãxopmãhã', pu' puknõg xop yũmmũg kamah, yã Topa te puknõg xop kuxa ka', puyĩy Topa max 'ãktux, yĩy Topa yōg tappet te:

"Yã 'ãmax Topah, yĩy 'ãte' puknõg xop pu hãm'ãktux putup, tuk-tex putup, nũy 'ãmax 'ãktux," kaxĩy.

¹⁰ Tu xe hãm'ãktux, hu:

"Pũyã' puknõg xop kuxa hittup Yoneo xop mũtik.

Yã Topa te Yoneo yōg tikmũ'ũn yĩmõgatux," kaxĩy.

¹¹ Tu xe:

"Pũyã' puknõg xop xohix Topa xexka 'ãktux,

pũyã' hep xop xohix Topa pu hãm'ãktux punethok,

nũy tu: "Āmax xe'ëgnãg,' kaxĩy, Topa pu'," kaxĩy.

¹² Ha mōnãyxop hittap 'Iyãit te Topa yōg tappet tu kax'ãmi', hu:

"Yexe mōkputox 'ũm nũn putup, nũy puknõg xop xat, ha' hittup, tu' hip, pu mōkputox nũ'," kaxĩy.

¹³ Yã Topa te yũmũg kuxa hittupmãhã', pũyã 'ãkuxa mãmãmã, xayĩ' hip, Yã yũmũ'ã' hõm putup pexkox yōg hãpxop xohix, ha yũmũ'ãte' hip, nũy pop. Yã Topa Koxuk te 'ãka'ogãhã', xa hãmmax hip kamah, nũy pexkox yōg hãpxop tu pop.

Paot te hâpxe'e 'aktux

¹⁴Ûkxape xop, 'ügkuxa yûm ka'ok 'âkopah, yâ 'âkuxa max, tu hâmyûmmûg, ha 'âte 'âyûmmûg, ha hâmyûmmûg max, nûy 'ânöy pu hâmyûmmûgâ'. ¹⁵Pa 'âte xa kax'âmi tappet, tu xa hâpxe'e 'aktux, tuk kuxânög 'ohnäg, nûy xa xaxogâ hok. Yâ Topa tek yâykutnâhâ, 'û hâpxopmâ nôm pupi!, tuk hittup xexka'. ¹⁶Yâ hâpxopmâhâ Yeyox Kunnix tu!, nûy hâmpuknög yög xop mō'nîynâm, tu Topa yög hâmpâpak max'ax 'aktux, 'âmânex putuk tu!, puyî! puknög xop kuxa mâm ka'ok Topa kopah. Yâ mō'yây xe'ëgnäg, ha Topa Koxuk te nôm xop yîmögatux, nûy Topa kuxa hittupmâ'. ¹⁷Ûghittup xexka!, Topa tu 'âte hâpxopmâhâ, tuk kuxa hittup. Yâk kuxap-xet Kunnix kuxa mütik. ¹⁸Ap 'ügkuxânög'ah, tu hâmp'aktux xe'e!, nûy Kunnix te hâpxopmâ'ax 'aktux, 'a 'âte hâmp'aktux nöy 'aktux 'ûm putup'ah, pa Kunnix 'ügmûg 'ûm hâ hâpxopmâ ka'ok, puyî! puknög xop kuxa mâm ka'ok Topa kopah, 'âte hâmp'aktux, nûy hâmyûmmûgâ!, puyî! puknög xop yîpkox pi Topa pu!. ¹⁹Topa Koxuk te mögkutnâhâ, tuk ka'ogâhâ, 'âte hâpxopmâ xe'ëgnäg, puyî! puknög xop pênâ!, hak ka'ogâhâ, 'û hâpxopmâ ka'ok xe'ëgnäg. Yâ kaxîy tikmû'ûn 'ûm te! mîy hok, yîk xip Yenoyanên tu!, tuk mög, tuk xupep hâpxexka 'Init tu!, nûy hâmpâpak max'ax xohix 'aktux, nûy Kunnix 'aktux. ²⁰'Âte hâpxopmâ punethok, nûy hâmpâpak max'ax 'aktux, nûy Kunnix 'aktux puknög xop pu!, nôm xop te Kunnix 'âxet'ax 'âpak hok pu! xuktux, nûy nöy yög hâpxopmâ'ax mîy hok. 'Âte putup'ah, 'ûnöy te hâpxopmâ hâmaxap, 'üg-nây tu hâpxopmâ'.

²¹Ha Topa yög tappet te:

“Tikmû'ûn 'ûm te nôm 'aktux 'ohnäg, pâyâ' puknög te! pênâp-tup, ha hâmpâpak 'ohnäg xop te hâmyûmmûg putup,” kaxîy.

Paot te kômên xexka Hôm tu! mög putup

²²Âmnîy xohix hâ 'âte! xak, nûy 'âhak mög, pâyâk mög'ah. ²³'Âte hâpxopmâ kux nûnte, kopxix 'âhak mög. Yâ 'âte! hip hâmyâxatamuk xohix hâ, 'üg 'âha mög. ²⁴Huk mög putup nômhâ. 'Ûgmög putup hâpxexka 'Expân hah, tu 'âp-tup, xa mögnîynâm, 'üyîy 'Expân tuk mög, tu 'âxop mütik 'ükxip putup hâmaxap. ²⁵Hônâk mög Yenoyanên tu!, nûy Topa yög tikmû'ûn tu hâpxopmâ'. ²⁶Yâ hâpxexka Mâxenôn yög kuxa mâm ka'ok xop, xix hâpxexka Genex yög kuxa mâm ka'ok xop te tayûmak pop, nûy Topa yög tikmû'ûn pu! popmâ Yenoyanên tu!, nûy hok xop pu! popmâ'. ²⁷Nôm kuxa mâm xop te! popmâp-tup, nûy hok xop pu! popmâ!. Yâ! max 'û popmâ!, Yoneo xop pu! yânân tu! popmâhâ!. Yâ Yoneo xop te! puknög xop ha hâmmaxnâhâ!, yî! puknög xop te tu ta nemên, nûy yânân tu! hok xop pu hâpxop popmâ!. ²⁸'Âte hâpxopmâ kux, kopxi! hok xop pu hâpxop popmög, tu 'Expân hak mög putup, tuk mög putat hâ, kopxix 'âhak mög kamah. ²⁹Ûgmög, nûy 'âha hâmmaxnâ!, pu Kunnix 'âha hâmmaxnâ xexka'.

³⁰Ûkxape xop, 'âte 'âxapit, yûmûg xuxyâ te mô yûmûg yây xe'ëgnäg hah, xix Topa Koxuk te mögyây hah, xa mögnîynâm, nûy Topa puk 'aktux nâm, puk mûn ka'ogâ!, ³¹tuk pênâ max, tuk mögnîy, puyîy Yoneo yög kuxa mâm

hok xop tek kummugã hok. 'Ápu, Topa tu' xax kamah, puyÿ Yenoyanên yôg kuxa mãm ka'ok xop 'ûgputup, 'âte hãpxopmã max hah. ³²Topa tek putup, kopxik môg 'ûm 'ãhah, tuk hittup xexka', nÿy 'ãmütik 'ükthi', nÿy 'ãmütik 'ûghittup. ³³Pÿyã Topa 'ãkuxa mãmã', xix 'ãmütik tihì'. Hamûn!

Paot te' xape xop pu 'ãneo

16 ¹Pep yã yÿmÿg xape hex, tu' max, tu kômên Xênkenex yôg kuxa mãm ka'ok xop pu hãpxopmãhã', tu' hok xop pu hãpxop popmãhã', ²yÿy nôm putup, nÿy nõ tu 'ãtehet, yã yÿmÿg xuxyã 'üyôg kamah. Pÿyã' xohix hã tu' tehet, yã tikmÿ'ûn punethok hã' xape, xik mÿn hã' xape'. ³'Áte Pinixit xix 'Ak pu 'ãneo hôm, yãk mÿn mütik Topa tu hãpxopmãhã', tu yãk mÿn hã 'ükxape xe'e'. ⁴Tu 'ã' xok'ax, yÿy 'ãte nôm pu: 'Ãmax xe'e', kaxÿy. 'Áte' puknôg xop yôg kuxa mãm ka'ok xop xohix mütik hãm'ãktux, hu: 'Ãmax xe'e' Kaxÿy. ⁵'Áte' kuxa mãm ka'ok xop pu 'ãneo hôm kamah, nôm xop te 'Ak pet tu yãy tu nÿnãhã'.

'Áte 'Ëpên pu 'ãneo hôm kamah, hak mÿn hã 'ükxape', tu 'Ax yôg tik te mãxap, nÿy kuxa yÿm Yeyox kopah. ⁶'Áte Mãnix pu 'ãneo hôm, ha 'ãxop pu hãpxopmãhã punethok. ⁷Xix 'Ãnenôn xix Yôn pu 'ãneo hôm, ha kama Yoneo yôg tihik, 'ügün putuk, tuk mÿn mütik pip kanet kopah. Yeyox yôg mô'pok xop te' yÿmmÿg max, ha' kuxa mãm ka'ok hãmãxap, hak-nãy tuk kuxa yÿm ka'ok kamah.

⁸'Áte 'Ápit pu 'ãneo hôm, hak mÿn hã yã 'ükxape' xe'e, yãg mÿg kuxap-xet yÿmÿg xuxyã kuxa mütik. ⁹Xix 'Ohmãn pu 'ãneo hôm, hak mÿ mütik hãpxopmãhã', tu Kunnix tu hãxopmãhã', xix 'Extak pu 'ãneo hôm, hak mÿn hã 'ükxape xe'e'. ¹⁰Xix 'Apet pu 'ãneo hôm, yã Kunnix tu hãpxopmã xexka', ha tikmÿ'ûn te' yÿmmÿg. Xix 'Anixtop pet kopa' pip xop pu 'ãneo hôm. ¹¹Xix 'Enoniãm pu 'ãneo hôm kamah, ha Yoneo yôg tik kamah, xix Nãxix pet kopa' pip xape xop pu 'ãneo hôm kamah.

¹²Xix Tinipên xix Tinipox pu 'ãneo hôm, yã Topa tu hãpxopmãhã', xix Pex, hak mÿn hã 'ükxape', tu yÿmÿg xuxyã tu hãpxopmãhã xexka'. ¹³Xix Hop pu 'ãneo hôm, yã hãpxopmãhã xexka Topa tu', xi' tut pu 'ãneo, yãk mÿn hã yã' tut. ¹⁴'Áte 'Axin pu 'ãneo hôm, xix Penegôn pu' hôm, xix 'Ehêm pu' hôm, xix Pa'ot pu' hôm, xix 'Ehãm pu' hôm, xix yÿmÿg xape xop te' pet kopa' pip pu 'ãneo hôm. ¹⁵Xix Pinot pu 'ãneo hôm, xix Yonit pu' hôm, xix Neneo pu' hôm, xi' hex pu' hôm, xix 'Onim pu' hôm, xix Topa yôg tikmÿ'ûn xohix pu 'ãneo hôm, nôm te' mütik pip xop pu 'ãneo hôm kamah.

¹⁶Yãy kep ha yãy mÿg, nÿy tu 'ãneo. Yã Kunnix yôg tikmÿ'ûn xohix te 'ãxop pu 'ãneo hôm.

Paot te hãmyÿmmÿgãhã'

¹⁷'Ükxape xop, 'ãte xa hãm'ãktux: 'Og pa môxip! Tikmÿ'ûn kummuk te xa hãm'ãktux hã' nÿy yãnãn, puyÿy 'ãgãyã', puyÿy yãy xakot, ha Topa yôg hãm'ãktux yÿmmÿgã kummuk. 'Ápu, 'ünim nôm kummuk xop. ¹⁸Tikmÿ'ûn te

hãpxopmã kummuk ha xĩy, puxix Kunnix yũmũg xuxyã tu hãpxopmã 'ohnãg, pãyã hãpxop xak, nũy xit. Tu hãm'ãktux mãynãg, nũy yã tikmũ'ũn pu mō'ãmã', nũy tikmũ'ũn hãmyũmmũg hok xop pu mō'ãmã'. ¹⁹Tikmũ'ũn xohix te 'ãyipkox pip'ax yũmmũg, ha hãm'ãpak max'ax pu 'ãyipkox pip, 'ãiyĩ xa tuk hittup, tup-tup, xa hãmyũmmũg, nũy hãpxopmã max, pãyã 'a 'ãte putup'ah, xa hãpxopmã kummuk yũmmũg. 'Ãmhok. ²⁰Topa te yũmũg kuxa mãmmãhã', tu hãpxip kutõgnãg 'ihã Hãmgãyãgnãg koxyõy putup, pu 'ãxop totnok nãm, tu' nōã'.

Pũyã yũmũg xuxyã Yeyox xa hãmmaxnã'!

²¹Tĩmõn tek mũtik hãpxopmãhã', tu xa 'ãneo hõm, xix Noxit, xix Yaxãm, xix Xoxit, te 'ãneo hõm kamah. Nũ tik xop xohix Yoneo xop, 'ũgmũn putuk.

²²'ũgmũn Tex, tu Paot pupi tappet kax'ãmi', tu 'ãxop pu 'ãneo hõm, yãk mũn Kunnix yõg, 'ãxop putuk.

²³Xix Gax te 'ãneo, hak mũg pip Gax pet tu', ha' kuxa mãm xop te nũ pet tu ta tu yãy tu nũ'nãhã', tu nũ'ãktettex. Xix 'Enax te 'ãneo, ha kãmẽn yõg tayũmak xex, xix Koat te 'ãneo, ha yũmũ'ã hã' xape'.

²⁴Pũyã yũmũg xuxyã Yeyox Kunnix 'ãxop xohix ha hãmmaxnã'! Hamũn!

Paot te Topa xexka xe'ẽgnãg 'ãktux

²⁵'Ãpu yũmũg Topa xexka 'ũm 'ãktux! Tu 'ãkuxa mãmmã'ax ka'ok, xayĩy 'ãkuxa mãm ka'ok mō' kuma' mõg. Yã hãm'ãpak'ax te' xuktux, 'ãte nõm te xa' xuktux, tu Yeyox Kunnix xa' xuktux. Hõmã Topa te hãpxaptop, ²⁶pa hõnhã hãmyũmmũgãhã', tu tik xop hittap hã' yũmmũgãhã', nõm xop te Topa pupi hãm'ãktux, tu tappet tu kax'ãmi', pu Topa yõg tikmũ'ũn hãmyũmmũg, ha Topa hi xe'ẽgnãg mō kuma' mõg, tu' xat, pu' hep xop xohix pu' xuktux, pu hãm xexka xohix yõg tikmũ'ũn pu' xuktux, puyĩ' xohix yĩpkox pi', xi' kuxa mãm ka'ok hãm'ãpak max'ax kopah.

²⁷Topap-xehnãg, 'ũnõy 'a' ti'ah, ha hãmyũmmũg xe'ẽgnãg. Pũyã' xohix Topa xexka xe'ẽgnãg 'ãktux, Yeyox Kunnix ha hãm'ãktux.

Tu ta tu' kux.